

花好能禁幾日開東皇應乏補春才紛紛恠我  
耽詩句點點催人進酒盃殘片有情棲綠葉香  
魂無倚泊蒼苔十分顏色歸塵土處處名園是  
馬嵬

贈蕭時清

十里螺湖如掌平開門正挹滄浪清偶逢道士  
贈丹訣閒課山童抄酒經晝長燕子飛入戶春  
盡樹陰鋪蒲庭近來聞說有奇事賣藥修琴曾  
到城

碧溪

五兩蓑衣百尺竿溪流十里足盤桓卧分芳草  
爲衾枕坐愛清流照肺肝花落無聲雲影動鳥  
飛不度鏡光寒平隄多種芙蓉樹惟有秋容耐  
晚看

西閭閒步

雙足能行勝小車西閭城裏盡吾家隣僧共約  
嘗新茗園叟時邀看好花文變何須論虎豹書  
往常恐化龍蛇晚來占斷長天景閒倚西風送

歷代詩選  
明  
落霞

甲禰正平

經過此地倍堪傷  
憶子青年飼虎狼  
四海難容身一葉  
三江都化淚千行  
能言賈禍真鸚鵡  
覓德冥飛愧鳳凰  
今古憐才惟造化  
芳洲畱寫舊文章

宿茶陵五峰菴

攀蘿躡磴路盤紆  
出澗流泉百折餘  
地獻秣田克佛供  
天畱松徑作僧居  
數聲清磬紅塵隔  
一

辨名香黑業除  
喜共山雲分半榻  
通宵魂夢寄空虛

予旣調柳憲長林君待用以書來云柳州  
山林子厚爲之出色今付公矣作詩答  
之

三載星沙作宦遊  
每逢山鳥話纏繆  
鷓鴣知我行不得  
杜宇勸人歸去休  
泛月詩成湘水夜  
看雲興入大瀉秋  
安心此日無言語  
肯與宗元競

柳州

歷代詩選

月際民集

次集卷七十

七

八

歸計已成述懷

年幾五十髮成絲  
物理人情覺悟遲  
處事求名先得謗  
謀身弄巧便成癡  
豪吟氣象清平世  
沈醉情懷太古時  
長笑一聲歸舊隱  
空山魍魎最相知

詠老人燈

鶴髮垂肩儼壽星  
兒童扶立耀門庭  
存如掣電何須計  
生已垂光不足驚  
虛火上衝心卽爍  
酸風斜拂眼還明  
繁華閱盡俱螢爝  
自許焚身入

化城

其二

假合分明兩鬢秋  
鮑郎衫袖帶膏油  
衰顏自分隨灰滅  
急景何妨秉燭遊  
得火常時能煖腹  
避嫌終夜只搔頭  
却疑南極星辰現  
一點光芒落海陬

登樓

西風吹帽雪籠頭  
今古無情獨倚樓  
日月悠悠長劍老  
乾坤納納此身浮  
江南山水聞孤嘯  
塞

歷代詩選 明彙民性 卷七十一  
北煙塵結四愁壑斷北辰心萬里寒雲斜日楚  
天秋

古別離擬孟東野

傷心別君淚垂垂滴中庭一庭芭蕉葉天晴聞  
雨聲

小遊仙詩

仙童驚報筆生花萬丈長虹纈彩霞獨進詞頭  
三百卷承恩常醉玉皇家

其二

玉女班中忽吐光體生微妙自然香紫蘭細擷  
歸何處七寶欄杆白玉房

題鴿鵒

性拙全爲衆鳥嗤玲瓏巧舌許誰知小園昨夜  
春歸去落盡殘紅怨子規

題岩下花呈長沙守劉鳴遠

巖下花開不見天孤根絆石水相連漁郎繫纜  
柔條上惱殺香紅落釣船

印溪春行嗣響老杜

印溪橋邊一樹花，溪南大路抱村斜。日日行人  
自來往，昨宵殘片委泥沙。

羅玘

字景鳴，南城人。有圭峰集。按桑民懌意不可一世。嘗自言曰：我當今第一才子。或問其次，曰：南城羅玘。予故以公詩次之。

送何邦彥僉憲江西

已成新相知，忽作新別離。始知別離蚤，更覺相知遲。程孔整傾蓋，不在多言辭。高枝有鳴鳥，如  
進我酒卮。酒盡子當去，依稀各天涯。豫章古水國，其下蟠妖螭。請出匣中劍，一一剗割之。

漁陽邊防圖

白日麾大旗，禪王來接戰。長弓發健臂，射中禪王面。歸營夜張燈，照見滅胡箭。天明上馬去，勇氣逼飛電。虜其名王歸，拜獻明光殿。

送周主簿任南城

連山抱如環，過水縈城脚。軍州自古置，小邑舊附郭。蒸藜戀門閤，不厭土地薄。神泉麤可釀，出境配靈藥。門無催租吏，家有斲地鑊。市女面無脂，野老巾不着。因園寂生蓬，譙門可羅雀。謬當

歷代詩選 明 卷之四  
封藩圖一變百病作黑夜騎屋山白畫面相縛  
竊虞鑽泥鮎化作掉尾鯉觀君饒道氣秋漢騰  
一鶚老夫頻搔首仰面望寥廓

送王太守之福州

建溪難椽杙梨嶺可捫天行路無多日居官動  
幾年心忘書郡寂身要得民便不用磨崖石口  
碑容易鐫

送張尚書歸南海

御史大夫舊尚書戶部新不如歸去好猶是向

來貧壁有晉詩句路無逢故人潮聲纔入耳始  
覺嶺南身

送蕭舉人歸永州壽親

不瞻覆白髮已是幾青春曾作還家夢終非戲  
絲身南山天共老東海古無津此意誰應識瀟  
湘行路人

送曹進士知貴池

到江真幾里爲縣可三年心自難忘蜀官還只  
在燕鶯花縈別酒楊柳夾行船向日登瀛客相

期禁籞邊

送徐德章中舍捧詔金陵便省宜興

上方消息杳傳語落人間南國持旌去東吳衣  
錦還入門便遶膝登馬強看山可過先公隧荆  
溪第幾灣

送彭世傑之蕪州經歷

百粵通丹徼孤城對海門珠光夜炯炯蜃氣晝  
昏昏但得叅軍壯能令刺史尊明朝萬里別吾  
意欲忘言

菊莊

爲陶處士作

陶令公然醉生涯半草萊門從前日掩菊待幾  
時開山近還堪竹亭空只欠梅中冷有泉水欲  
引過江來

長春軒爲清江劉先生題

竹密年年筍樹多日日花天應憐老景春且在  
貧家鄒氏律吹谷建溪鼓喊茶終湏窺造化不  
似此生涯

遊方山與石樓志別

卷七

寺選

月雁景鳥

次集卷七十

二

相逢盡道乞還山公乞還山便得還浮世風塵  
棋罷局百年光景手循環穿雲躡磴疑天上到  
寺對僧如夢間明日河橋盃酒後月明千里隔  
陽關

送趙縣丞之招遠

海上羣山魚立頭待君單騎入登州颶風夜半  
驚批屋蜃氣朝來看吐樓諺素慢從羣吏聒耳  
真聾有府公留寅賓出日今何處好與乘閒款  
款遊

送周工部冊封充府

百尺樓船陰水客夾河爭認是東封文章蝌蚪  
生金薤日月光華射袞龍孔道晝臨宣父宅使  
星宵逼丈人峰九重昨露真消息欲買龜蒙作  
附庸

○黃卷潛心

不爲勞勞逐蠹魚平生卽此當蓄畬兒童莫笑  
頭顱白恐是研山行秘書

赤壁圖



如此良宵能有幾有船便合載坡公當時若只  
載歌舞安得于今在畫中

林學滄  
黃青家  
藏畫齋

殊峰

王叔高氏  
藏畫山房

王叔高氏  
藏畫山房



國家圖書館, NATIONAL CENTRAL LIBRARY, TAIWAN, R.O.C.

石倉十二代詩選

明次集卷七十一

樊山摘稿


後學曹學全閱

樊阜

字時登號古厓縉天順間舉人延平

田間雜咏八首

嘉樹蔭衡門鳴鳩徧村墅薄言農務興力作無  
男女晨爨煙未起驅牛理田圃茲時若宴嬉爭  
得好禾黍清曉聞雨過春流漲溪渚小兒學把  
犁小女亦能杵生理勿嫌微浮榮非我取



其二

素心無外欲衣食忘豐腴所願官府賢優游樂  
畋漁妻兒永相守卒歲無索居繞屋種禾黍當  
門樹桑榆涼風入我牖明月照我廬酒熟農事  
畢隣翁迭招呼兀然坐簷下盡醉倒一壺

其三

少長郊墟中縣官名未識長時帶好容不見惡  
顏色高隴麥穗齊雉鳴自歲翼野田耕耨餘工  
力暫時息日夕會隣家黃牛卧籬側酒酣勉諸

孫耕作當努力微雨過前村鳥鳴催蓐食

其四

烏相蔭我牆白茅覆我屋荷篠朝出耘依依暮  
歸宿少婦勤織縫諸孫解樵牧秋風禾黍收寒  
日照鴈陸鳥雀啾啾鳴園籬多草木官租及早  
償莫待里胥督

其五

山村頗幽僻甘向田間老隣家隔短牆出入  
一道桑柘團午陰鶩雛牝雞抱夕陽雨外明溪

上山色好夫婦話綢繆農工非草草秧長及時  
移明朝飯須早

其六

今歲頗少豐渾家總歡樂丁男備鎌刀曉起  
城郭前村禾黍黃歸來事收穫田籬落荳花  
啁鳴鳥雀白馬誰家兒鮮衣曜河洛揚揚意  
氣驕一箭雙鴻落我視如浮雲飛颺自輕薄

其七

新水漲荒陂芸芸稻盈畝東家及西隣世世結  
親友夏至熟黃瓜秋來釀白酒新婦笑嘻嘻  
小兒扶壁走門口沙溪清垂垂幾株柳醉卧  
夢羲皇涼風入虛牖不知市井兒蠅利較升  
斗近說明府清征徭曾減否

其八

棗花落靡靡一犬護柴關節序屆芒種何人  
得幽閒蛙鳴池水滿細草生階間刈麥欲終  
畝風吹雨過山大兒早未飯歎息農事艱豪  
貴本天命悠悠不可攀不聞無鹽女醜黑非  
美顏

寄李資道

素履屏外欲栖栖向丘園  
滋覽古載籍試參元  
化根旣迤齒牙滑得失俱忘言  
好雨溪上至高槐禽語喧  
茲時暢神慮山光滿前軒

感秋次督學任僉憲韻

西風落高樹撼撼鳴深秋  
人事多錯忤時光催  
白頭美人邈難卽江漢自悠悠  
浮雲蔽皎日誰復念滄洲  
酒酣心壯在激烈歌吳鉤

挽趙母薛夫人

松栢生崇岡不羨桃李姿  
雪霜恣饕虐柯葉弗少萎  
嗟嗟趙貞母窈窕從母儀  
結褵相君子淑慎三族馳  
若若忍罹毒中道遭嶮巇  
君子嗇于數二孤聲啾啾  
寒燈倚機杼隻影空房帷  
簧言競難惑矢心終不移  
神祇昭上下我心應鑒知  
孤年日以長母髮日以衰  
一緘過青鳥促宴趨西池  
塵飛鏡光暗月落烏聲悲  
死生亦恒理名節世所規  
豸冠柱下史文行誇一夔  
滾滾襲湛露丘木含華滋  
爲歌柏舟篇清風起漣漪

歷代詩選 明 吳景端  
灣河舟中呈鄭廷韶吳景端

朝發燕山陽暮宿灣河側高樹蔚繁陰浮雲淡  
無色睠彼西日馳憂心恒惻惻賴我同心人相  
期崇令德

山中作

夕景延澹陰微曛射林屋無營見道真塵紛悟  
蕉鹿此意幾人知沈吟俯脩竹  
西風吹雨收竹屋雲陰散酒醒心亦清忘言玩  
爻豕老鶴劃然鳴月上青山半

高齋臨曲沼雲澹微雨餘悟靜愜冲素汎觀莊  
老書微言苦未解日暮將何如

煙雨竹圖

九疑矗沓濕翠迷浦淑黯黯黃陵西霏英沆漭  
開纖裊咽澀鷓鴣涼月低石壇暮歷苔痕紫冷  
沁羽幢吹不起藥窗瓊館隔離宮鸞尾參差醮  
江水千年舊恨餘斑斑幽叢珮玉寒闌珊瑚膩粉  
粘枯亂紛馥南巡帝子何時還瑤瑟聲沈天欲  
曙女郎蹋歌過江去扁舟杳渺弔靈均脉脉流

漸無覓處

題李在所寫山水圖

龍眠孫子藝精巧胸次冰渟照秋昊尺縑寫出  
溪山圖對景無殊真景好高閣憑空寒翠霏松  
陰石磴苔花微顛厓走瀑響晴雨老樹欲作蛟  
龍飛前溪茅屋人聲靜石步籬邊繫漁艇白鷗  
眠穩魚不驚斜日沙汀落雲影雲達有客蘭薰  
襟酷好此圖如好金泮署春風暖吹酒題詩謝  
客還長吟

五馬行春卷爲延平太守子儀賦

春風駘蕩春日晴煌煌五馬朝出城羅衣運屐  
濕花氣錦帳泥乾金鐙鳴五馬度阡陌籬下雞  
豚春拍拍五馬度郊圻村邊桑柘春熙熙野老  
遙望五馬拜官租已了無私債野婦遙望五馬  
迎無吏登我門夜犬眠不驚但願名公壽時乘  
五馬看花柳但願名公閒時乘五馬看溪山

西樓怨爲孔宗魯悼亡作

鶯啼燕語春漫漫落花飛絮吹作團雨歇西樓

晚晴薄絃絲調短催長歎玉鏡臺前金剪閑翠  
綉帳軟留餘寒半壁銀燈墮煤小回文錦斷脂  
香乾鮎窗月白光如洗雙泪如鉛洒鬆几梧桐  
音冷么鳳鳴屏山暗結愁雲紫湘渚飛霜隕蘭  
茝些斷巫陽招不起瑤池青鳥幾時迴幽怨鳴  
嗚咽江水

題周文靜山水圖

昔聞摩詰王右丞筆底江山誇藝精三山近出  
周文靖當代畫史誰爭名古栝潘君老文伯江

山秀氣流胸臆文靖爲作幽居圖常時置向窗  
間壁層巒疊嶂飛白雲溪口橫橋沙路分茅屋  
低低槿籬短竹陰彷彿雞聲聞莎草洲空繫漁  
艇夕陽半落山迴影蹇驢一老尋詩還青旆搖  
煙墟市靜高林遠墅昏濛濛三簇樓臺仙子宮  
仙都雅致世間少直與武夷風景同噫嘻此景  
誰可得我欲移家住山側青衫淨拂雙鬢塵翠  
竹蒼松照顏色潘君笑指山之幽舊隱久拋今  
白頭解官歸去伴猿鶴歲晚與我當綢繆



題山水圖爲劉廷信都憲作

我家本在山中住讀書慣識山中趣偶落名塗  
塵眼昏見山便欲還山去南陽先生官態無半  
醉示我雲山圖持向簷前再三看青山突兀雲  
模糊百尺飛泉落松頂顛厓倒崢嶸煙影神仙  
樓閣牽翠霞薇帳圍香晝長靜人家三兩溪南  
村桃李成行門對門石逕斑斑過新雨花落點  
破莓苔痕鷗鷺飛迴映沙島夕陽網曬漁舟小  
不是茗川與朝川仙都山下川原杳先生指我

山之西茅屋數間依竹低茶竈藤牀舊栖隱騷  
人墨客多留題看圖繞了眼初醒人間有此真  
佳景由來泉石絕纖塵當與先生分管領先生  
大笑清風生听幘莽狂雙鬢星題詩卷圖謝鴻  
鵠浮雲散盡長空青

正統己巳年麗寇至縉雲大肆標掠延殺  
無辜鄉氓趙氏女自經死鍾氏婦墮南  
岩宛予特賦其事

山夷蟻集煙原荒紅納抹額戈鋌光雄夫魄褫

魚在湯誰云女質柔弗剛格菴之孫窈窕娘雪  
膚雲髮嬌春陽羅襦濕淚收殘粧菱花棄匣辭  
蘭房腥風颯颯沾羣芳痠痺老父如蠶僵天高  
無翼心遑遑蟪蛄繫帛懸空梁紅飛玉碎春茫  
茫貞心一片明秋霜偷生忍辱德弗減何如一  
死名尤彰

右趙氏女

少微黯淡妖氛橫長蛇封豕生荒荆羣動纏臊  
土花赤比隣襁負馳奔征鍾家少婦離房戶黃  
口呱呱尚含乳姑章夫婿曉星沈嗚咽吞聲泪  
如雨雲邊鳥道南岩陰劒鋒欲起桑間心妾身  
可粉骨可碎妾心百鍊真剛金綠髮紅顏墮空  
碧血腥着樹浮寒色弗容寶女獨留芳猿鶴悲  
鳴天亦黑吁嗟冠屨稱男兒堂堂大節翻手隳  
愚婦猶能保貞素讀聖賢書奚以爲

右鍾氏婦

### 秋胡婦

東風驗蕩花媚嬌鴉鬟膩滑飛翠翹露沁金蓮  
一彎小纖葱緩撚柔柔條蘭閨護暖蠶苗密細  
葉如鈿竹筐濕羅襦歛霍雕鞍光薄情正在桑

歷代詩選  
陰立黃金出袖妾心驚妾心瑩比冰雪清彈箏  
巧讓羅敷女田蠶婉語羞無情葉漸盈筐返庭  
砌阿姑喜溢雙眉際颺言錦繡歸故閭整頓姿  
容見夫婿河水淵沄百丈深冰肌矢向龍宮沈  
匪曰忘姑隕非命絲絃絙急訛微音精英叱咤  
沙頭鬼烈風迅激愁雲起凡人生女須嫁人莫  
嫁秋胡薄情人

路傍草

路傍草能得青青幾時好春風披拂隨時生一  
夜秋霜盡枯槁貧家養女方及笄結束嫁作征  
人妻辛苦等閑容易老生世如同路傍草

禽言六首

姑惡姑惡姑不惡田荒姑嗔煮粥薄我怨田荒  
不怨姑今年勸夫力東作姑惡姑惡姑不惡  
不如歸去誰肯歸飽食廩米衣錦衣異鄉雖好  
非桑梓慈母倚門白髮稀不如歸去誰肯歸  
脫却布袴休脫袴力作任從泥淖污去年徵租  
遺拷瘢露見恐教兒女怖脫却布袴休脫袴

提葫蘆休提壺頰沾囊底空青蚨年荒茅屋炊  
煙斷明府上來須禁沾提葫蘆休提壺  
婆餅焦餅不焦年豐麥賤充徵苗再燒好餅與  
婆吃妾吃焦餅從腹枵婆餅焦婆不焦  
行不上也行得上羊腸路險堪掉鞅時人心險  
勝羊腸仆馬覆車一反掌行不上也行得上

平田耕煙

莎草翻煙雨霖霖一犁耕破湖田綠聲聲布穀  
隔林啼餒婦厨中炊黍熟秋收但得了官租牽

歲辛勤無歎吁

澄潭釣月

寒潭皺碧流潦縮霜娥飛落波心浴蘭橈中夜  
繫空明長線牽搖一團玉小魚跳躍大魚潛桂  
花香冷莎纖纖

玉洞仙蹤

青林杳靄山岩嶢亂石齒齒堆瓊瑤丹竈苔深  
仙府舊桃花流水生危橋何時獨跨一鶴小飛  
入蒼煙覓芝草

密嶺樵唱

高杉亂篠霏晴煙鳥道盤迴出半天非微非商  
曲聲杳看棋未遇柯山仙誰羨紅裘侑觴飲嬌  
歌解博纏頭錦

豹闕晴巒

春聲振谷蜀鳥啼苦竹叢深雲影低芙蓉簇簇  
溪西岼小雨簾纖寒翠迷山人拄笏樓頭看天  
際聯牽青不斷

仙岩梵剎

青林路小苔花濕紺宇玲瓏片雲隔仙人跨鶴  
去不來岩隙殘碑篆痕碧老僧入定空夕陽花  
落溪西春雨香

窪樽篆跡

窪樽落落岡頭石銘篆春深蘚痕碧陽冰去遠  
猿鶴愁載酒何人弔陳跡幽禽不語岩花香今  
古悠悠空夕陽

釣石苔痕

老樹陰陰蔭寒淥石磯苔濕香露沃毛翁古篆

看不真千載何人覓餘躅蘆花瑟瑟驚西風短  
笛一聲殘照中

馮公嶺道中書所見

馮公今去久嶺路至今聞紅樹村村雨青山片  
片雲野橋松板架岩溜竹筒分日落人行少時  
參鹿豕羣

訪陳時律

故人雞黍約沙路入村微痛飲一宵醉清遊兩  
日歸古松低石屋脩竹映山扉雙鷺翩翩起橫

塘淨夕暉

過故人莊

山村行處好偶過故人莊秋竹煙籠色寒花露  
浥香一雞鳴矮屋雙鷺落橫塘畱飲忘歸去陶  
然入醉鄉

遊黃龍寺

古寺青山上登臨見遠村樓虛堆竹粉崖剝露  
松根晚遲雲生潤秋池漲落痕高僧宣梵偈跌  
坐到黃昏

靈峰嶺道中

嶺路青林杪盤廻出亂雲寺樓當塢見野碓隔  
溪聞屐潤苔花積衣香藥草熏崖陰仙洞在遙  
見鹿成羣

遊靈峰寺

步入靈峰寺嵐霏翠濕衣野塘蒲葉短石磴蘚  
花微潭靜龍長卧山寒鶴未歸老僧茶話久高  
閣轉斜暉

登觀音閣

春雲籠碧樹層層危磴苔交一再登澗水入溪  
喧似瀑松根纏石老如藤浮生容易休爲客往  
事淒涼莫問僧幾欲下山還不下塵紛明日又  
填膺

再和前韻

維摩高閣起層層駐馬空門試一登雙嶂濕雲  
寒閣雨半岩枯樹倒懸藤鶴行松徑迎來客猿  
坐蒲團伴病僧浮世茫茫如夢幻寧須弔古淚  
沾膺

歷代詩選 明 吳 月 莊 有  
過正等寺訪圭上人

山影橫溪夕照微  
數聲清磬隔溪西  
石門晴雪落松響  
沙島寒雲壓竹低  
結社喜逢今惠遠  
留衣猶想昔昌黎  
焚香已了三生話  
猿鳥無情只謾啼

雨晴遊洞宮山坐間復雨

神仙臺觀翳嵐霏  
金鼎丹成草木輝  
潭靜毒龍依石卧  
山寒孤鶴伴雲飛  
半簾暝色松杉靜  
一筍春香蕨肥俗事  
累人催白髮來遊  
此地澹

忘歸

醉中到白厓而歸

往事無憑一夢空  
悠悠岐路任西東  
菊花向晚應嫌雨  
梧葉經秋不耐風  
自笑長貧仍作客  
誰憐多病欲成翁  
青山斷處孤城在  
一片砧聲夕照中

城上

獨上高城力未衰  
西風吹老桂花枝  
山迴薄暝牛歸後  
江變新寒雁過時  
砧杵幾家聲斷續  
帆



橋兩岬影參差英雄自古知多少老得身閒計亦奇

早行

王事匆匆每計程疎鐘未動促前征霜摧荳葉  
蛩聲切露滴松根鶴夢驚極目關河悲遠道側  
身天地歎浮生微官不似歸耕好却向何人說  
此情

上虞逆旅見舊題感懷

十年爲客任東西又御籃輿過竹溪雨歇野田

雙鷺下月殘村店一雞啼解囊沽酒酬新債卽  
景成詩續舊題記得西堂尋短夢池塘春草綠  
初齊

初夏幽居

茅廬低小種桑圍妻喜蠶收欲上機雀乳空簷  
花點點鶯啼深巷柳依依交情自笑緣貧減生  
計誰憐向老微細雨池塘新水滑芰荷初發未  
堪衣

遊西村

歷代詩選 明 李 昉 詩  
秋葉浮青野水渾農人籬落散雞豚寒煙淡抹  
梨花場夕照微明柘葉村浮世茫茫何日定故  
交落落幾人存近時一懶寧堪笑欲學龐公隱  
鹿門

數日不出門偶賦

自把梅花比瘦容愁城須仗酒兵攻一灘細雨  
空漁艇半樹殘陽又梵鐘多病有妻供餽餉長  
貧無客肯過從石闌倚徧詩初就溪上寒山晚  
翠濃

雨中示子

東隣離別恨依依我欲甘貧靜掩扉風送泉聲  
清透枕雲蒸嵐翠冷侵衣一春吟對庭花好幾  
日飢食野蕨肥却笑虛名成底事不如倦鳥亦  
知歸

久雨

高竹鳴鳩未放晴小牀衾冷夢難成厨煙着樹  
添嵐翠野水歸塘亂瀑聲吟對落花傷俗態醉  
看飢雀歎浮生山人自是無塵事深閉柴門懶

入城

舟中作

青山淡淡夕陽時  
狂客扁舟只載詩  
細雨一汀菰葉老  
西風兩岬柳條衰  
雁橫秋影過荒戍  
鴉帶寒聲落古祠  
但說蓴鱸滋味好  
季鷹心事幾人知

秋日懷東湖

枯荷殘蓼滿秋池  
長日思歸未有期  
一笛喚愁霜落後  
雙砧敲夢月明時  
老惟防病勤收藥  
貧

欲謀生懶作詩  
莫怪羈人頭易白  
他鄉歲晚倍堪悲

晨起偶題

空山靜夜不分更  
睡覺虛窗日影明  
應爲不才忘仕志  
却緣多病見交情  
白雲自放生前懶  
青史誰留死後名  
食取充飢聞往哲  
呼兒挑菜煮新羹

寒食臨川道中

故交屈指幾人存  
雙袖龍鍾濕淚痕  
桑葉暝煙

橋外路杏花春雨寺前村漁舟待渡橫空渚酒  
旆招酤出短垣日暮隴頭堪歎息啼鴉飛下乞  
餘燔

春日偶成

硯池香沁墨雲乾酒醒無情懶着冠燕子歸遲  
春欲盡落花吹雨小樓寒

寒夜

破屋難禁深夜雨布衾寒濕半牀雲愁來自起  
推窗看人比梅花瘦幾分

紅梅夾竹圖

羅浮仙子宴瑤池香臉生春酒暈微欲吊湘靈  
無處覓青鸞騎向月中歸

小景爲陳時律題

山翠濛濛曙欲分雞聲彷彿隔溪聞卧龍已去  
爲霖雨林屋空閑半榻雲

下第歸後作

牢落江湖幾度春布衣還是舊時貧晚涼懶過  
溪頭路只恐沙鷗解笑人

過村家

細莎村路繞山斜  
澗水西頭一兩家  
桑柘葉乾鳩雨歇  
茅簷索索響縑車

秋夜懷錢舜夫

風雨西窗蟋蟀秋  
懷人無寐轉添愁  
遙知今夜孤吟處  
半壁青燈照白頭

登觀音閣

春深携客扣松關  
今古興懷俛仰間  
花落花開俱是幻  
老僧長對白雲閒

湖村晚睡

村南村北總西風  
相葉先霜淺着紅  
野鳥飛邊堪入畫  
數家籬落夕陽中

過名山坂

槿籬斷處路微分  
茅屋砧聲隔岸聞  
暝色催人詩欲就  
一聲沙鳥半溪雲

過河西務

遠樹蒼茫夕照低  
短篷酤酒泊河西  
王孫歸去春無意  
蒹草含煙綠未齊

題畫

嘉樹團陰石逕分  
數聲啼鳥綠陰聞  
橋西有客耽詩癖  
買徧青山種白雲

題東坡墨竹

赤壁歸來燕寢香  
夢騎玄鶴過三湘  
玉簫喚醒月初墮  
雲影滿簾秋氣涼

春閨怨

花落深閨午漏遲  
箜篌彈罷欲沾衣  
東風綠徧江南草  
底事王孫尚未歸

樊昌

字永盛  
號友菊

送別次韻

匹馬對尊酒送君歸  
潁川暮雲深戀樹  
春草遠連天故國幾千里  
他鄉一兩年何時復相見  
去住各潛然

菊莊呈李亞卿

愛此村莊好花開  
人正歸一籬含曉露  
三徑眩秋暉異品題  
凡卉幽香襲錦衣  
看來心更逸還憶侍彤闈

題畫中小景

扶桑日出光瞳矇千門萬戶開春風祥雲帶雨  
從龍去朝朝暮暮飛天東瀛洲弱水知何處高  
人只在蓬山佳山外遊人歸未歸江上扁舟自  
來去

次正等寺壁間韻

沙路盤旋溪水清薜蘿如幄曉煙平簷前花落  
一兩點竹外鳥啼三四聲香雨霏微蒼樹濕春  
風淡蕩白雲生我來俯仰成今古獨有青山不

世情

送陶主事崇岳出使西蜀

相送河橋酒一觴獨將琴劍對行裝東過闔闔  
家山遠西去陽關驛路長馬拂春風經峽口雁  
銜寒雨過瞿塘驅馳莫道丹心苦白帝城高似  
故鄉

送李鈍齋先生之江西

獨向雲塘話別離晚風吹雨濕征衣水清江濶  
孤帆挂雲淨天高一雁飛遠地若無南澗藻故

鄉還有北山薇沙頭莫遣鷗盟冷收拾琴書早  
賦歸

樊甫

字永美號礪棟  
吉安府推官

妾薄命

妾貌嬌如花妾心堅似石石有碎時花早凋妾  
貌未衰心不易一自良人結褵後寂莫香闥空  
自守枕上翻思初嫁時禮備媒行非苟苟妾能  
織成玄與黃可以補袞供衣裳妾筐採來蘋與  
藻可以薦神享祖考阿婆不顧小姑嗔令妾進

返難容身雙鬟嬾結烏雲薄菱花半掩生芳塵  
東隣少婦永相保容顏未必傾城好妾貌比之  
頗不惡只恨生來多命薄

題水底猿捉月圖

漏板敲愁夜驚冷露井梧桐濕無影海風吹星  
消碧煙青天不見纖月懸嫦娥泣泣桂香死誰  
知兔魄沈水底巫猿激烈心欲飛便伸長手撈  
摸之夷神叱咤蛟龍怒翻倒滄海上天去

輓李司訓妻



青鸞西歸海天暝芙蓉十二畫屏冷剪刀無聲  
落水綃月轉梧桐夜窗靜些死巫陽招不回紙  
錢斷裂成塵埃孤鸞弔影菱花慘機頭白石生  
蒼苔諸郎呱呱哀動地雪色麻衣濕紅淚明朝  
扶櫬過湘江未見九疑心已碎

題歲寒圖送賈大尹令弟

登我徂徠山瘦蛟怒立龍撐髯天風振籟落金  
粉石苔點破螭紋斑舟回暮泊湘江曲兩岫清  
風鳳毛綠鷓鴣啼歇水雲深錦瑟無聲睡初熟  
明朝解纜過西湖冰魂折裂青珊瑚寒香浮動  
山月白扣門夜半呼林逋沈醉歸來情脉脉偶  
逢畫史詢行迹揮毫寫作歲寒圖旗亭遠送天  
涯客

宮女恩賜還家

清曉承恩出禁宮金蓮香惹御階風九重回首  
如天上萬里還家似夢中雲髻高簪榴子石宮  
衣深染茜花紅內家粧束原來別不與尋常一  
樣同

香奩和王彥脩韻

寶鴨煙消一字香滿懷春恨強梳粧看花又怕  
東風惡偷隔紗窗看海棠

樊貴

字永芳號桂岡  
天順甲申進士

答吳景端南歸見寄之作

八月星槎下碧霄歸來休訝浙江潮巖林祠外  
蒼林靜獨帶清風伴寂寥  
回首青山長薜蘿椿庭日永紫芝歌却嫌咫尺  
江郎路笑殺仙人已爛柯

樊瑩

廷璧甲  
申進士

和李賓之韻

新年多邁逆抱疴守空廬竟日寡人事反迂長  
者車入門一相見戒我母枉趨枉趨將何以變  
故在須臾念此重憂患感歎復躊躇信知明哲  
者匪徒效虛無

寄張汝欽侍御

夙昔寡所予惟子獨吾契聞過輒相規見善復  
相示邇來作離羣延頸日翹企湘水只尺間渺

歷代詩選 明 樊 叔 祖 補  
三  
渺隔天際念子富英邁持法忘顧忌抗節激流  
俗高名愜時議顧予駑鈍姿列官屢年歲俛默  
守庸庸與言良獨愧古人重交游匪從在忘勢

和時登叔祖灣河舟中作

陰風薄朝陽方舟住溪側舟中有歸人悵然起  
憂色長歌巷伯章聞者重悽惻信知青雲子永  
懷在君德

寒夜懷友和時登叔祖韻

竹霏歛夕陰庭際集繁霜懷人不成寐起視天

蒼蒼蕭條履長夜悽惻增悲傷念彼離別久中  
情詎能忘徒見斗牛星相距南北方

樊鯤 字廷升

錢塘行二首

江舟泊危浪江岫草霏微寒風疾于箭颯颯穿  
我衣潮聲日夜作人去何時歸

長年事擊楫感激海雲生山川自流轉奔逐空  
浮名紛紛越南樹愁殺春鳩鳴

利國驛上漢高皇祠

漢皇祠外抱江村石徑苔深長綠痕  
灘水鴻溝俱不遠數聲啼鳥向黃昏

樊鐸

字伯廣  
號畏齋

詠蝶

每從花底見燕雀共翻飛乘露酣  
春色逆風舞絲衣枝頭常獨宿雨  
裏不曾稀籬落凋傷盡殘魂何處  
依

過諸暨口號

澤國風光趣馬歸青山一帶夕陽  
西野橋月

漁舟寂春滿田園花滿堤

楚道驛遇姚子卿

柳路依依白日斜新巢語燕野人  
家舊時姚合題詩興次第春風數  
落花

雨中行二首

四月濃陰風雨來揮鞭遙指碧山  
開征夫訝渡前村水傍柳穿花去  
復回野外高樓護紫煙落花飛處  
獨淹淹誰家雙燕不歸去日暮空  
依古樹邊

歷代詩選

明次集

石倉十二代詩選

明次集卷七十一

高橋



國家圖書館 NATIONAL CENTRAL LIBRARY TAIWAN R.O.C.

石倉十二代詩選

明次集卷七十二

章林藏稿

明後學曹學佺閱

周瑩

字次玉號鶴洲正統乙丑進士官至江西撫州府知府

菊坡爲單大尹字賦

解印歸來日黃花尚故坡理荒除蔓草習靜偃  
垂蘿籬下寒香滿山南佳氣多此中真趣遠何  
必向巖阿

城南書屋



城南僻地是行廬門巷應多長者車簾外碧山  
開罨畫案頭紅軸積圖書梅花送暖飛鱗片芸  
草吹香落蠹魚莫道雲程能自達燈窗好爲惜  
居諸

謁 孝陵

鼎湖雲去六龍遙寢殿巍峩倚碧霄山鎖煙霞  
春寂寂林迴松柏雨瀟瀟千年帝業思 皇祖  
萬國輿圖仰聖朝幾度叨陪林下謁天風兩袖  
御香飄

歲暮和柯孟時

渺渺天南道路長白頭慈母在高堂去年薄宦  
遊京洛一片愁心望太行正是陰陽催短景可  
堪身世半殊方夜闌吟罷成惆悵夢繞鄉關月  
到牀

放歸言志

六年爲郡大江西中歲歸途幸不迷世路風塵  
勞薄宦故園林竹愛幽栖但乘欵段尋春馬不  
起愴惶報曉雞已判功名身外物任他麟閣與

雲齊

二十居官四十歸急流身退世應稀  
投閒故里蘭紉佩戲綵高堂錦製衣  
林下新開延客館水邊長拂釣魚磯  
是非不啻人間事長弄扁舟看鶴飛

天心湖上梅花

木落千山雪氣偏一枝湖上破春妍  
不將別調傳羌管爲愛寒香撲玉鞭  
映月有情還冉冉倚風無語自娟娟  
商巖舊事應千載俯仰乾坤獨

惘然

夏日書懷

暑雨晴時草入簾綠槐垂影拂茅簷  
鳴蟬午夢驚初起睡鴨名香手自添  
鄉國故人千里別他山爲客十年淹  
江州司馬歸何處幾度青衫淚欲霑

周瑛

瑛公諸弟字梁石號翠渠成化己丑進士四川右布政使致仕

送陳公甫歸南海

鬱鬱山下松四時不改色盈盈道傍花朝夕供



採摘花好聚人看春風亦易寒松高倚霄漢勁  
節不可攀願學山下松用以葆貞德毋學路傍  
花一採不復得

其二

芝蘭有幽性托居在空谷滿天風露寒隔林香  
氣撲我因愛芝蘭朝夕自在還采采欲盈把薰  
我衣與冠衣冠在做篋芝蘭隔林樾但恐歲月  
賒餘香易銷歇

感興

美人顏如玉自許連城價曉織雙鴛鴦戲水香  
蒲下夫壻遊京洛聞結新姻婭中饋但有人賤  
妾不復嫁

其二

提瓶去汲水爲君解宿醒詎意綆中斷瓶墜不  
復升君恩手中綆妾身井底瓶相望不相卽此  
心誰能明

其三

長風吹白日年華逝如駛美人翠袖薄高閣閉

秋雨開園種芳樹歲晏自淒楚相望一水間終日不得語

城南別墅

幽人有遠韻卜築城南村青山羅庭除疎柳蔭柴門虛堂寂無人但聞鳥雀喧秋晴穫禾黍日夕牧雞豚農家無外營歲序在壺餐感此生理蕃其樂難具言我方走塵土未能問田園誰知隔城闔只尺有桃源

桃源篇

秦人法網密如織楚人逃生苦未得一朝拔邑赴南山咫尺便與塵寰隔山中風俗何恬然竹籬茆舍臨平田男婚女嫁相代謝歲月無紀誰知年昨日漁郎忽到此杯酒殷勤問鄉里漢龍晉馬相繼興始知世代非秦紀由來靜躁跡不同山人怕與俗人通送得漁郎出江口歸來相與滅其踪武陵太守好事者謂人可仙官可捨分付漁郎重問津溪山宛在睂睫下初來隔岍盡桃花驚看赤壁橫蒼霞千峰萬壑不可辨欲

歷代詩選 明周長齋校  
從何處尋人家

夢中賦登金山寺

高閣連霄漢登臨客思開雁將秋色去潮帶夕  
陽回天地雙蓬鬢興亡一酒杯此懷不可極倚  
檻獨徘徊

姑孰道中

采石孤帆落青山一騎歸朔風吹短鬢疎雨濕  
征衣野火漁歸市林鐘衲掩扉可憐江上雁入  
夜更南飛

橫山燕集

小甕藏天地大罍揮古今宦情秋夢短世事海  
波深北枕淵明卧南耕梁父吟官卑多抑畏慚  
愧昔賢心

與陳貳守酌別

下馬何村廟霜清木落時行人千里去故國一  
年期水色侵衣袖山光落酒卮離懷難盡遣惆  
悵爲題詩

有所思

歷代詩選 明周氏補  
目斷天涯路春深有所思亭臺花落後簾幕燕  
歸時洛浦煙初暝巫山雲正遲夫君縱忘妾妾  
意比芳絲

重到府第有感

府第最高明重來感歎并臨川雙郡守閩海兩  
書生風雨情何限池塘夢不成坐觀循吏傳安  
敢墮家聲

送陳方伯疊致政歸漳浦

角巾斜折舊烏紗南望鄉園趣轉賒白髮無人

堪結社青山有地可爲家石湖晚釣收殘雨野  
徑春行礙落花不識廟堂諸故老幾人清夢到  
煙霞

謁文丞相廟

海上干戈百戰中孤舟夜夜泣英雄八千里外  
胡塵合三百年來宋曆終厓嶺被俘真倉卒燕  
山就義太從容西風吹雨過柴市獨向祠前撫  
翠松

九仙觀訪朱未軒讀丁太守所寄詩次韻

厚不言選 明周月補  
十年勞憶禁鐘聲坐對南山野趣生有道也知  
當世重無官應覺此身輕石臺晚嘯雲歸樹仙  
觀秋吟月過城文物傳中勞去取幾人椽筆有  
佳名

題畫

開軒望長野迢迢芳草綠持竿彼何人冒雨驅  
黃犢  
雲影蒼樹涼雨候黃梅過明月入西軒照見幽  
人卧

秋水池塘深落葉亭臺晚柴門閉西日山人猶  
未返

風高海水立雪厚山岡折小院無人來梅花自  
娟潔

哭羅一峰

百年夢不起千古懷獨醒西湖煙雨外零落一  
峰青

挽吳下王處士

車馬聞門路生前多故知青山映疎雨有客爲

歷代詩選  
題梅月圖  
書碑

題梅月圖

孤山處士舊時家門巷深深一徑斜惆悵詩魂  
呼不醒只留明月照梅花

周輦

瑩公姪字晉伯號榆川由貢  
士授廣東廣州府儒學訓導

蘇長公寓惠日愛誦陶靖節歸來辭遂集  
辭中字成十詩予亦效輦遣興云

征途欣息駕物候及春榮丘壑時相問交親我  
獨迎天清孤岫出逕窈窕遠風輕何事倚窗嘯飄

飄非世情

農事行將及春辰樂可尋懷人常矯首寓目亦  
經心榮木來丘鳥流泉向膝琴倚風詩欲就扶  
策任登臨

物役幾時息孤懷尊酒前書將消日景賦欲逗  
雲泉荒翳俄成徑扶搖遠問天微言童亦覺行  
與事春田

鄉園日無事之子或予留雲木三春翳風泉萬  
壑流乘時歡物與遺世得天遊有鳥今何羨光

歷代詩選

明周天祿高

次集卷七十二

九

榮非可求

人生亦寄寓何以日追奔飛駕登榮路遊心翳  
覺門感予倦行役命室留清樽孤酌觀無始委  
懷形乃存

天宇懷何窈雲門無是非三車尋往路幾日就  
春衣入晤清言盡歸來遠景微流觀心自得萬  
木鳥孤飛

題畫

馬外風塵晚鷗邊雪浪寒碧琳何處客坐破幾

蔣園

周軫

瑩公姪字公載號耻齋成化壬辰  
會試第三名官至江西按察使

在故城與鄭元耀會別

湖海雙孤客詩書一故知蹉跎相會處契闊舊  
遊時話久西窗燭情深北海卮明朝分袂去江  
樹又離離

閒居

自入封章出帝庭詩情逸興一茅亭茂陵封禪  
無遺稿草澤行吟有獨醒十載病軀憐短策半

歷代詩選

明周氏裁高

次集卷七十二

十

生勛業撫青萍隣翁和得詩來往送過隣翁戶  
已扁

和竹溪見贈歸來亭

小亭岑寂四窗開坐看春風長綠苔爲愛多情  
雙燕子暫時飛去又飛來

訪林和靖舊隱

霜風摧落已多年誰道花開在歲先寂莫小孤  
山下路更無人到草堂前

詠梅

冰魂雪骨楚天涯幾度春風幾度花自是無人  
肯深覓寂寥將度一年華

紅梅

中使傳宣出建章君王錫宴在昭陽玉顏宴罷  
扶歸去又是春嬌一樣粧

周侂

華公子字元恭號瓊峴廣東樂昌縣儒學訓導贈監察御史

今是亭爲林別駕賦

長嘯辭朱紱行歌入舊山浮蹤今日是塵世幾  
人閒獨鳥高雲外歸泉亂石間若將人意擬無



往亦無還

尋花穿澗早聽鳥出林遲幽事誰先領孤懷只  
自知江山無恙處風月對閒時猶是樊籠客相  
從笑後期

卽景

遠風將青入林藪長溪可作魚鱗皺笑喚隣舟  
作伴行中流鶯鶯鳴雙肘觸起桃花錦浪生長  
留短罩隨吾手大魚盈車不可移小魚累垂貫  
之柳青帘白屋是誰家艤舟試覓家中叟我有

魚兮君有酒相逢何必是相知傾懷且儘儂家  
有君不見紅樓歌舞美少年昨日朱顏今白首  
又不見玉關有客覓封侯霜蹄夜蹴層冰走我  
曹本是耕桑民容易盤飧度辰酉迺今不飲更  
躊躇只恐青山要衰朽我放歌君擊缶大呼鄭  
老作吾師更挾劉伶爲我友直須共醉春風前  
不啻犧牛與芻狗

周宣

休公伯子字彥通號秋齋弘  
治乙丑進士廣東左布政使

鐵嶺次張主政韻

少年喜遠遊萬里信長步未論筋力疲况復念  
遲暮鐵嶺何年關噴吐劔峰聚白日嗥信狻腥  
風帶霏霧仰瞻雲天垂俯視髻峰露咋指已魂  
銷疇能更還顧便當卸行旌揮手謝岐路

遊僊鶴洞次李春山韻

古洞凌層峰上與顥氣遊襜帷偶共往噪吻生  
清秋洞前雙白鶴昔繞僊人丘僊人跨雲去笛  
聲隨雲流拍手招鶴背僊人亦回頭憶昨過湘  
中江寒月滿洲掠舟從東來顧我還由由感此

念羈旅餘懷付江漚

居庸關和韻

歐冶何年鑄真鐵神光夜指奔厓裂曉關西去  
隴風寒獵獵胡沙帶飛雪丈夫生來還遠道未  
分霜鉞匣中老酒酣斲地作長歌鯨鯢起立滄  
溟小

其二

秋信誰將入簷鐵樹底青桐聲欲裂渴吻猶須  
玉井冰輕寒已釀陰山雪漠漠黃雲連遠道容

易朱顏變衰老夜來起步向迴廊一點窺人山  
月小

謁介之推祠

晉鄙澤中人獻土公子歸來繼先緒衆蛇蜿蜿  
入龍宮不道同時有刳股宮門之書爲者誰遂  
使君王憶初侶皇皇弋幣遠相尋莽莽春林竟  
誰與富貴相忘亦世情何事捐生便如許由來  
獨行人所奇千載綿山有祠宇登臨正屬禁煙  
前獵獵林風送悲雨

俠客行

紅塵漲天白日暗奔輪擊地雷聲泛雕弧寶騎  
金盤陀虎頤龍領親曾探昨宵燕市擲千金今  
宵長譟歸綠林酒闌笑蹴仇家血不信人間有  
哭音

過高郵湖

宿雨添新漲扁舟弄晚晴雲山鄉國夢杯酒故  
人情日向波間沒天從鏡上橫倚篷無語處征  
雁兩三聲

宿建寧城下

夜泊清溪下溪風入坐清尺書猶未達孤枕若  
爲情漁火遙過影寒流暗有聲更憐中夜雨蕭  
瑟傷山城

瓊林宴歸

湛露開周宴歌風陋漢宮伶簫諸紫鳳仙仗引  
青驄酒泛金壺冽花分御苑紅衡茅新得路感  
激自丹衷

金門待漏

白玉雙龍闕黃金五鳳城雲霞凝曙色鐘鼓靜  
嚴更帝德乾元大皇圖瀚海清遭逢吾自慶何  
敢負平生

沅州道中述懷

曉發沅州路行行過赤涯歸心流水急官舍白  
雲賒初日遲寒影清霜濺素華丈夫懷遠志驅  
馬漫興嗟

夜宿德山港

繫艇依林樾携壺扣竹門年華行欲暮民瘼不



送陳汝齊赴嶺南斷事

都城寒雪霽花鳥破春妍人向天南去官分閩  
外權清霜柳葉瘦紅日荔枝焚風物猶鄉國知  
君吏隱便

送蔡徽玉之清遠

碧江湖正滿村市酒新篘共博行邊醉都忘客  
裏愁文光連象緯官舍近羅浮他日梅花發猶  
堪寄隴頭

晚宜樓

劉君湖海客高隱楚江澹虛枕聞清籟閒心湛  
碧漪山從秋後瘦樓向晚來宜憶昔南遊日空  
吟馬上詩

送廖應脩

十載同心友他鄉共卜居壯圖猶落莫造物定  
何如故里三間屋歸裝一束書東山清在望分  
手莫躊躇

擣衣

擣練聲聲急蟾光故故圓片魂空外返雙淚暗

歷代詩選 卷七十三 十九  
中懸野日明朱旆飛霜折玉鞭功成報天子看  
爾畫凌煙

又

秋信桐陰裏寒聲雁影邊爲憐千里客聊理舊  
青綿青海猶傳箭狼山未息煙深閨今夜月何  
敢惜嬋娟

醉歸圖

金屋承歡罷沈香月色新笙歌隨步輦羅襪擁  
輕塵羯鼓催花急羊車望竹頻誰憐青闥裏還

有獨醒人

過常思嶺

夜過常思嶺雲昏雨作屯聽泉知度澗覓火亂  
投村不辯星河影橫穿虎豹羣壯程方萬里何  
敢歎王孫

晚到房山

細雨山村暮羸驂獨去時牛羊下高隴烏鵲鬧  
寒枝野色黃雲逗邊聲夜角悲猶傳東徼外戎  
馬日奔馳

大田驛和鄭少谷韻

秋原聊引望幾許動遐思霜白羣芳老風高獨  
鳥遲倉皇千里道留滯十年期廊廟夔龍在昇  
平是此時

答張大行維喬

激烈南巡疏低回白下城壯心回日馭素節舞  
風旌世路從夷險天王自聖明朝來長樂外重  
聽曙鐘聲

題狄武襄廟

何代乘箕去孤城尚故祠風雲餘壯氣貔虎識  
雄師古鐵生時面奔雲祭後旗莓苔春雨暗休  
蝕座前碑

春日同李嵩山遊東關寺次韻

微官餘二載斯地幾清遊旌仗人人識郊原事  
事幽河聲寒帶雨山色翠當樓日暮遲歸去移  
樽到上頭

其二

何年卓錫地祇樹已成林月出東溟外雲生古



歷代詩選 卷之七 月日  
洞陰翻經風葉亂洗鉢石池深正愜幽栖意無妨一再臨

東關寺聽張使君鼓琴

愛子琴聲好開囊日未西暗泉懸夕溜嬌鳥媚春啼細竹依階淨香雲壓戶低禪心方入定月色印前谿

東牧爲黃巖孫隱君賦

野性同魚鳥郊居薄市廛閒情牛背笛酣飲杖頭錢吉貝披疎尾黃雲布遠田年來生計好月

五枕 暇

不康懿公墓

四聖垂 日明公萬里城貞元還秦運星斗避高名江涉歸龍夜風林戰葉聲獨來詢往事悽愴盡平生

黃岡驛阻雨

阻雨黃岡驛行旌去復留疎燈聊永夜衰髮不關秋樓角寒仍斷簷聲曉未休浮踪何必問明日是潮州

卽事

朝日明雲壑餘寒散野犁泥融科斗動桑暗鶉  
鳩啼菜甲霜前健禾苗雨後齊鷓鴣毛羽細何  
敢厭卑棲

桃源溪行

碧江春水夜來深兩岼青山盡綠陰飛鳥傍人  
如問訊小魚吹雨自浮沈幽觀似識東風面高  
興應同太古心獨有春原回首處幾家燈火悵  
空林

送雲峰道士南歸

塵海茫茫漫自流百年身世只虛舟紫綃榮拜  
彤樓曉瑤笛吹殘碧樹秋月下蘂珠惟鶴聽雲  
邊丹竈有龍遊涪翁千古風流在何日誅茅借  
一丘

送林汝鳳

樹頭初日弄微晴江上離歌自渭城萬里家山  
遊子夢十年燈火故人情月明遠塞鴻初斷風  
靜長淮浪正平遙想征途詩興好錦囊歸去爲

誰傾

送張大理出守

錦雲城郭古昆州此日憐君作勝遊石棧連空  
青嶂晚浪花飛雪碧滇秋時平獠洞輸庄貝月  
白峰頭起夜謳遙想公庭清太甚夢回晴日上  
簾鉤

鎮江答林廷元太守韻

幾年塵土隔滄洲倏爾相逢是暮秋人似燕鴻  
還北去情如淮水向東流雲邊遠道連青草風

際寒波起白鷗清曉金焦望文物有人延首待  
方舟

浮圖谷和韻

城頭旗影亂春雲帳下軍聲起夕曛重鎮也堪  
當一面胡兒安敢犯三軍山橫古道龍標立水  
入回溪燕尾分使節重來無箇事北窗高枕待  
南薰

儀城公館次韻

山入遼城地益高參差巖岫湧雲濤喜看白日

歷代詩選 明周氏補  
塵埃少暫息青衫汗馬勞留滯祗今同太史相  
從誰與步臨臯不知舊日玄都觀開徧春風幾  
樹桃

題白雲寺

十日春山兩度遊坐臨平野着吟眸城煙近帶  
千山雨島樹寒生六月秋塵夢豈知滄海變野  
心純被白雲留便須跨取天風去飛上孤峰最  
上頭

題林翠庭先生青臯書屋

宦囊貧甚笑無餘下澤歸來喜有車行處獨便  
沙路穩坐時長伴野雲舒蒹葭寒映江千雨芸  
草香浮架上書猶有濠梁真意在自臨深水看  
鯨魚

重遊香山寺

薜蘿深處見僧家  
蕙落蕙開自歲華  
怪石臺高  
蝸篆古老松枝偃  
玉虬斜三還丹熟  
龍窺竈十笏房  
清天雨花笑我疎  
狂饒野况山門幾  
度試春茶

金焦覽勝卷爲周文儀同寅賦

萬里波濤接遠天雙鼇浮背玉相連  
梵王樓閣空清裏水國鶯花杳藹邊  
歲月無情從逝水江山有恨但寒煙  
登臨莫問當年事一曲商歌已惘然

覓寒衣

病骨先秋冷空簷坐夕暉  
敝裘不堪着撚線學縫衣

促黃伯固

庭葉作秋聲閒雲閣秋雨  
佳客來不來夕陽在高樹

小景

古牆芳蘚重深巷綠楊斜  
叩門何處客屐齒印苔花

自君之出矣

自君之出矣夜夜聽寒更  
寒更二十點都是斷腸聲

香山寺和見素先生韻

天長從逝鳥雲暝欲歸龍目送曾遊處青霞第  
幾峰

岳陽樓

月出羣山蒼雨後千江漲喚起素髯翁吹笛君  
山上

春愁

飛絮漫空春色深海棠庭院自清陰無端一夜  
芭蕉雨滴碎愁人枕上心

秋齋雜興

竹裏新開一徑斜石牀書卷舊生涯客來共坐  
虛簷底自汲清泉煮露芽  
暝竹蕭蕭似壓廬柴門三日斷行車風簾不動  
爐煙裊讀盡南華一卷書

足將樂縣夢中句

遠道連空信馬歸筋骸無改壯心違春江不用  
愁難度一片輕帆帶雨飛

長子縣校士聞鶯

古柏高槐散午陰榻來清嘽畫簷深上林舊有

歷代詩選

明倫彙編

如雲樹待子歸時贈好音

石倉十二代詩選

明次集卷七十二 終



國家圖書館, NATIONAL CENTRAL LIBRARY, TAIWAN, R.O.C.

石倉十二代詩選

明次集卷七十三

長林存稿

後學曹學佺閱

林爚

字汝大閩縣人正統丁卯科舉人有海天生長嘯集

古平述懷

星暗月華明  
心閒景自清  
迎風刊翠竹  
冒雨理黃精  
澗淺觀魚躍  
林深聽鳥鳴  
此中誠可樂  
何必日經營

同世恭姪尋梅





歷代詩選 卷之七十三  
幾度尋梅未見花空餘踈影獨橫斜溪橋曲折  
支危石村徑崎嶇擁斷槎詩就每刊隣舍竹茶  
香頻叩野人家狔狗不覺歸來晚殘雪飄飄點  
鬢華

瓊島春雲

蓬萊金碧映輝煌五色祥雲藹上方縹緲淡籠  
瓊苑樹氤氳遙濕御爐香光涵玉宇凝仙仗影  
拂春花遶建章自是昇平多瑞感好將圖畫獻  
君王

蘆溝曉月

蘆溝月色藹蒼蒼萬戶千門曙景涼雲氣半侵  
茅店火馬蹄全踏板橋霜金鷄唱罷鳴天籟玉  
漏聲沈徹上方待得九重煙霧淨鳳城春色散  
朝陽

金臺夕照

黃金銷盡獨空臺雲木蒼蒼紫翠堆鴉噪夕陽  
歸畫堞碑連暮靄翳蒼苔平河水落蘆溝遠古  
峽人從鳥道回聖代祗今多稷契紛紛誰數樂

生才

賀邵太守榮歸二首

雙旌五馬返青門優老重承雨露恩滿架圖書  
看尚在遶籬松菊喜猶存興來獨掃詩千首客  
至相忘酒一樽地迥尚嫌車馬簇誅茅還擬水  
南村

君乘五馬古諸侯何事頻懷卧此丘門外懶排  
雙畫戟林間喜挂一羊裘琴書已足娛身計夢  
寐猶懸報國憂自古留侯稱達士功成還逐赤

松遊

紫臺嵐氣

紫臺一抹鎖晴嵐景象依微畫不堪霞幕懶收  
山似黛林衣倒影水拖藍黃童驅犢登青坂白  
鷺窺魚隱碧潭感昔傷今多少恨西風吹淚濕  
青衫

螺渚煙消

青螺一抹俯江濬潮落煙消若畫眉寒岫柳濃  
藏翡翠晴沙水暖浴鳧鷖牧童扣角驅黃犢漁

歷代詩選 明長本有和  
子鳴榔櫂綠漪凡骨未能同謝眺空懷雲水遇  
神姬

滄江漁唱

扁舟汎汎是生涯雲水悠悠度歲華長笛數聲  
歸海島清歌一曲入蘆花鳴榔草際沙鷗起醉  
卧蓬窗山月斜榮辱不關常自足熊羆無夢叶  
皇家

題汝哲兄園亭

君承優詔許歸田小構幽居水石邊綠野遠涵

千頃稻紅衣開徧一渠蓮沙邊白鳥迎江練樹  
處黃鸝雜管絃羣從相看頭似雪杯醪豈厭重  
留連

林壑字世調成化壬辰進士歷官廣西左布  
政使別號雙松晚年與陳孝廉桐山陳僉  
憲留餘弟塗爲泛江之遊有秋江夜泛集  
及蘧蘧集三江漁隱集

秋江夜泛詩并序

義谿陳君文厚予鄉同年進士也不樂仕進

隱于桐山殆二十年號桐山先生弘治乙丑  
春乃弟僉憲留餘先生冢子達暨乃姪墀同  
登進士第余邀葉宜休先生往賀因得會文  
厚于濯纓亭次日復移舟從余江潯潮至而  
別未能盡歡文厚乃期爲秋江夜泛月一會  
會有詩以文酒交歡誼至厚也亡何余弟世  
增歸自南宮聞而心醉遂堅前約以是秋八  
月十有三日同世增泛舟會于匏峰渡之坂  
口是日桐山宜休留餘三先生咸在方舟促

坐陳蔬菓列樽罍隨潮上下月白江清山光  
凝翠景殊可人今日之遊人景俱勝不可寂  
然已也遂以唐人詩移舟泊煙渚日暮客愁  
新野曠天低樹江清月近人二十字爲韻觥  
籌交錯唱和獻酬卽事寄興人各一詠遂爲  
聯句率成十韻嗚呼謝尚之牛渚東坡之赤  
壁亦一時之偶會耳名播千古後世後談豈  
不以人哉今日秋江之遊雖未能追蹤往昔  
然而七里之山川寧減牛渚赤壁而文厚諸

君之逸興其視謝尚東坡何讓耶予不能必其後之傳而亦不能必其不傳也鑿乃三江釣淪幸預茲會敬摠蕪雜叙厥所繇所賦諸詩廁之于左

五言古四首

山高月在松欄小花臨水本以林下人謾結方外士得意傾雲液何心斷石髓世俗徒紛紜吾意已如此

義谿下匏口東與淘江合勝會結詩盟方舟復連楊笑領風月閒坐談古今雜漁父亦何心鳴榔遠相答

秋月色澄淨秋江清復深聚散不可常浮雲自古今蓮社已寂莫香山亦荒沈願言託松竹共結歲寒心

泛泛木蘭舟迢迢渡江渚樽罍會有期歲月疾如駛落日楓林低登盤鱸膾美長嘯豁塵襟銀河耿秋水

臘月八日病中有感

并引

舊制臘月八日于午門賜百官麵食謂之臘  
八麵當此病中感慨亦少志其芹曝之私

臘月八日歲相將獨卧西窗夜正長賓鴻故故  
來帝鄉却憶當年朝未央朔風吹面靴滿霜手  
持象簡凍欲僵入門鞠躬氣屏藏口含雞舌聞  
天香自天休命親對揚但願 聖德如陶唐百  
官奏對勞奔忙午門錫宴羅鴛行咸歌既醉沐  
寵光于今寂莫水雲鄉隨鷗狎鷺機心忘晚來  
一子虫如狼嬌癡但索梨栗嘗箕裘世業將徬  
徨老懷對此增慨慷起坐南楹負朝陽區區芹  
曝何能忘

世騰從兄以鄉進士沒二十年今冬始得  
歸葬詩以挽之

吾兄豪氣邁謫仙雲路談笑先祖鞭神龍豈肯  
卧九淵大鵬直欲乘風騫堂上嚴親雪滿顛養  
志不異曾參賢荆山抱璞志益堅豐城寶氣光  
燭天淘江江上呼酒船春花爛熳秋月娟流光  
轉眼時序遷泰山頽兮心凄然猿鶴哀兮淚涕

漣吁嗟歲月今幾年玄堂幽黝如磬懸文光夜  
夜照重泉

七言古二首

菊花新釀香浮甕明月共迎還共送白髮滄洲  
有定期青霄絳闕渾如夢謫仙跡遁煙霞深柱  
史氣凌山岳重醉眼摩挲北斗傍龍淵合處光  
芒動

海浪驚風灑瓊玉佑客帆檣何處宿幾家煙人  
暝漁村一帶雲林掩僧屋壺觴不盡客情歡歲

月蹉跎羊脾熟仙骨如君獨柰寒梅花瘦影依  
脩竹

五言律一首

雨過千山淨禪林賞菊天方巖危欲墮錦水遠  
相連客喜如蘇晉僧疑是浪仙詩成畱偈處竹  
塢起茶煙

送周少宰奉使冊封秦藩便道祭掃

天語親承下紫宸星輅千里向西秦金符映日  
存周制玉節凌雲動漢臣遠道使承黃誥重故

歷代詩選  
山人望錦袍新遙知展拜泉臺下土壤光生草  
樹春

潯陽驛

潯陽江上日初斜  
蕭瑟西風亂荻花  
青草幾時休  
作客白雲無地不思家  
蒹葭浙瀝收殘雨  
島樹微茫映晚霞  
隱隱菱歌愁思起  
月明猶似聽琵琶

白照山看窰廠途中口號

茅屋雞聲報曉遲  
巾車乘壑本無期  
棠梨幾樹

繁花滿棹柳千條  
嫩葉垂箕踞野人看  
鹿豕倦飛林雀避  
旌旗青山對面如相識  
笑我蕭蕭兩鬢絲

往常德調兵梁山遇雨

梁山雲物幾時收  
野水無情日夜流  
獨木銅槽初泛泛  
沿溪棧道曲悠悠  
犀紋甲冷兵初合  
籬落霜寒菊正秋  
惆悵故園頻極目  
蠻煙瘴霧總關愁

送葉世潤歸閩



歷代詩選  
南下汀洲逸興饒蒹葭楊柳晚蕭蕭九江驛路  
秋風起三楚雲山夜夢遙行李半挑黎嶺月歸  
帆一片海門潮故園冬竹應多笋入饌江魚好  
自調

登泰嶽太和山

紫霄臺觀隔塵寰坐愛蒲團一榻閒石澗雨餘  
龍出躍松林煙暝鶴飛還洞中有火燒丹竈雲  
裏何人響珮環七十二峰觀不盡那知仙境在  
人間

奉和馬廷璽僉憲

叨陪憲節上丹臺頓覺昏昏倦眼開雲竇暗廻  
山欲斷石橋橫架水還來三天門下青藜杖五  
老峰前玄露杯笑領仙童歌一曲不知身世在  
蓬萊

夜宿舟中呈王工部

明時不用歎歌牛祗恨東風易白頭賓館久懸  
徐穉榻客帆今共李膺舟紙屏石枕三山夢明  
月蘆花兩岬秋江北何人吹玉笛渚雲飛盡水

悠悠

陳錦衣七夕娶婦

金風薦爽夜迢迢  
靈鵲新成渡漢橋  
見說仙姬來萼綠  
更聞佳客賦桃夭  
錦筵羅綺搖銀燭  
洞府雲璈間玉簫  
不用乘槎觀勝事  
人間天上總非遙

病起書懷

窗前草色綠籃輿  
病起凭欄思不堪  
戀闕烏鴉還向北  
隨陽鳴雁盡歸南  
機中錦字憑誰織  
馬

上家書懶自緘  
幾爲鄉思轉成賦  
回看庾信獨多慚

詠竹夫人

湘水爲神玉作肌  
文園病客鎮相隨  
涼生蕙帳憑君力  
夢入巫山獨爾知  
固寵可能迷漢主  
專房應不妬西施  
虛心恩愛何時斷  
祇恐秋風怨別離

七夕

素綸飛影蘸銀河  
帝女含愁罷玉梭  
塵世幾人

新得巧仙槎有客舊傳訛  
梧將秋信風前落鵲  
報佳期月下過  
悵望牽牛情默默  
彩橋何處駕  
瓊波

聞雞

獨宿西軒酒未醒  
雞聲愁向枕前聽  
未拋俗事  
謀身拙欲伴山僧  
養性靈  
夜靜每懷滄海月  
天高遙望太微星  
少年志氣空豪放  
老去江邊一  
草亭

答陳文厚

露下天高星漢秋  
長江十里稱閒遊  
雁聲縹緲  
煙連樹月色浮  
沈水滿洲  
笑折黃花聊插帽  
酣歌白苧久停舟  
知君不負滄洲約  
何日重盟海  
上鷗

不寐

藤牀布被冷如水  
簫鼓通宵睡不能  
往事蕭條  
慙薄宦老年辛苦  
愧高僧  
窗虛月色雙蓬鬢  
夜半雞聲一尾燈  
扶杖起來天欲曙  
東方隱隱日  
初升

正志亭口號

三徑初成喜動顏  
葛巾藜杖往來閒  
池通小浦春潮滿  
竹長疎籬筍籜斑  
花町風恬蜂亂入  
松林煙暝鶴雙還  
扁舟更有滄浪興  
欸乃漁歌落照間

五言絕句三首

天高風露寒  
寧怯衣衫薄  
何處歌滄浪  
漁舟沙際泊

山擁一輪月  
江涵萬里天  
新詩潛水怪  
折葦澹

寒煙

潮來西送君  
潮退復東下  
相對坐忘言  
天高月在野

林璧字世南  
壑之弟  
成化戊戌進士  
歷官叅議  
別號葵軒  
卒于襄陽  
官舍稿多遺失

都下寄諸兄弟

客懷牢落不勝秋  
眼底風光任去留  
夜雨每驚春草夢  
寒雲偏惹夕陽愁  
馬嘶塞北頻看雁  
門掩西風怕倚樓  
追逐風塵空擾擾  
何如煙水一

孤舟

送羅大人致政

遂却初衣卸錦衣  
俸資充買子陵磯  
梧岡鳳去青天濶  
狼鬣星明北斗輝  
陶澤菊松三徑在  
米家書畫一船歸  
鷓鴣潭水腥風起  
愁殺江頭白鷺飛

和韻

每歎浮名繫此身  
清風高節是何人  
庭前種杏飄紅玉  
竹裏行厨膾錦鱗  
春水魚遊波泛泛  
糟

牀酒滴醪醅醅一閒之外無餘事  
不愧當年古逸民

林址字世定壘季弟別號文山隱居不仕

題海山一嘯樓

獨上高樓一望通  
海山遙見日初紅  
千林樹木蒼茫裏  
萬壑煙霞縹緲中  
龍浦雨餘魚變化  
藍田日暖玉玲瓏  
荆花正值連枝秀  
兄弟怡怡笑語同

宿酒

歷代詩選

月長林字高

次集卷七十三

古

酒帶春醒猶未解小槽仍報酒如泉人同北海  
開樽飲我自西窗擁被眠白髮蕭條愁曉鏡紅  
顏消瘦怯春妍遙看昆玉聯成韻盡是珠璣玉  
露篇

林逋字世增成化丙午鄉進士以子弒貴封

浙江道監察御史別號青霞更號翠庭有

青霞集

桃花歌

東風昨夜來水涯南園物色爭春華桃花亂點

凡幾樹燦如紅錦耀晴葩林間霧散含香露池  
邊日落蒸明霞游蜂戲蝶不自惜轉覺春意空  
中譁既非玄都道士觀又豈天台仙子家由來  
崑崙山下植不吐秦時避世花漁舟隔浦滄浪  
遠野外迢迢一徑斜呼童策杖乘春入一壺家  
醞寧須賒大拚酩酊花前醉放情歌詠窮幽遐  
莫遣桃花浪相笑等閒吹落空咨嗟

感懷

江村寂莫早梅香時序驚心對夕陽短翮未飛

歷代詩選  
卷之七  
雲路上閒情已結鶴巢傍天邊雲散月當戶花  
下人來酒滿觴與世寡諧真自笑半生蹤跡任  
踈狂

飲枕峰寺席上謾成

五虎崑高落日紅巍巍雄峙梵王宮欲知白社  
何人共且喜清樾此日同丹桂花香晴捧露青  
松枝老畫嘲風浮生閒日能多少却喜淵明醉  
遠公

石倉十二代詩選

卷之七

明次集卷七十三

終

石倉十二代詩選

明次集卷七十四

雲程林氏稿

後學曹學佺閱

林

瑋

字廷珍成化辛丑進士歷官太僕寺少卿有西園遺稿

送周太叅之任廣西方伯

入滇未踰年輒復別滇去丈夫懷四方所適皆  
真遇雄藩雖巍巍猺黎病襍處重華帝有虞昌  
期適當午五載一巡狩諒亦匪虛語至今化猶  
醇冠裳爭快覩民囿風氣中蚩蠢迺其所向微



翰旋力千載應隴瞽桓桓大方伯旬宣翊天子  
世運有推移斯民無今古藩翰良所遭箕惟謾  
誇詡欲別不忍釋君行激予素逝者蒼梧津洎  
洎日東注回薄萬古情拂劔滄溟曙

寄故鄉洪塘諸友

開窗展周易短砌鳴寒螿忽憶山中人聊在天  
一方沈吟先天訣載頌停雲章思君豈不切道  
路阻且長言念夙昔好山水同徜徉轉盼易寒  
暑日月不我將今夕復何夕葭月冷秋霜悠悠

天宇濶起坐徒徬徨

過呂梁次見素壁間韻

江左不善變東都自頽風誰憐七尺軀獨立綱  
常中斗酒兩耳熱擊劔摩秋空我懷正激烈出  
門誰將同

寄葛坡丁先生

病魔推不去可人喚不來炎風起天末鼓我庭  
中灰浮生不滿百懷抱何時開忽憶葛坡叟白  
雲真悠哉

過東流避江陟山有感

山行有荆棘江行有風波寧知戶庭外舉足皆  
樊羅何如西園兩耳熱竹爐煮茗烹青蒿悠然  
笑傲旗山阿千顛百折其如何

題鄧君文耀思萱卷

朝陟堂之中兮維萱之零紅兮而思母之忡忡  
兮暮倚堂之背兮維萱之委翠兮而思母之憤  
憤兮堂之有萱愛匪獨兮吾思吾親亦不可復  
兮

壬子元夕過安寧次壁間韻時巡歷已滿  
未得代也

出郭五千里溪山疑此行縱然非祿仕亦覺是  
浮生元夕燈前社春秋城下盟野梅踈半落何  
處不關情

晚憩含質驛次見素韻

行人得晚憩且值雨晴時雲斂川明遠山高月  
上遲覽書懷赤鳥觀易玩黃離之子何爲者悠  
悠繫我思

題雙節祠

劔冷風生幕簾空月在除溪山歸戰骨燈火照  
離居宇宙留雙節春秋不一書賣身與降虜聞  
此亦何如

挽包豸史廼父耕心先生

日暮成千歲山荒間九原高懷推古調行誼豈  
今存沒世有如此浮雲安足論耕心尚存扁梁  
月正黃昏

挽朱安人陳氏

封典生前受閨門肅令儀酒漿供祭日燈火課  
孫時哀動詞人挽賢彰太史碑九原雖不作端  
是女中師

送王都憲之任少司馬

仕世逢真主專臺撫大荒法冠峩豸角天語煥  
龍章任託孤臣重心懸萬里長端居嚴瑯琫出  
匣試干將民瘼頻咨訪臺綱賴振揚先聲聞趙  
孟後武駕蘇黃吐納樞機簡監臨體貌莊大都  
循矩度全不涉荒唐舉世襟懷濶祛強膽目張

奸諛爭禡魄，孰疾切疴痒。門宅無桃李，田家足  
稻粱。不知千庾富，只恐一夫傷。且念羣夷獠，無  
端似犬羊。自從蒙姓氏，今始識冠裳。禮樂敦名  
教，文章入大方。士知宗孔氏，人望樂虞庠。內治  
應無恙，西夷敢跳梁。孤忠思付託，兩度過丁當。  
部落雖若長，山河盡帝鄉。作書答天子，傳檄  
戒封疆。魚水高諸葛，蛙蠅笑子陽。一杯徒漱灑，  
千頃自汪洋。拙眼曾多閱，他人蓋未嘗。浮生幾  
錯過，深幸覲顛昂。道在參乎譽，言多點類狂。抗

儀知罪戾，謙屈愈尊光。求益方如渴，分携正斷  
腸。帝心維簡在，別調漫淒涼。列戟羅滇棘，扁  
舟下沅湘。香風生杜若，涼月在甘棠。宦海榮司  
馬，兵樞屬李綱。臨岐傷惜別，相對更難忘。

三原冢宰王公八十索贈

立朝勛業一身孤，不忝遐齡八十餘。黃耆尚懷  
虞舜治，白頭猶戀伏生書。貞元際合天難老，名  
位懸殊迹易踈。徙倚衡門望南極，祥光長照紫  
宸居。

贈地官夏公便道壽親還朝

萱草庭前春意長  
宦途堪畏簡書忙  
帝鄉迢遞心偏壯  
親膝從容喜欲狂  
願祝龜蓮千歲壽  
誰分鳧米一盂香  
謾乘金馬歸朝去  
人在高堂壽未央

除夕過趙州次見素韻

孤燈宦邸歲言歸  
搔手風塵欲浣衣  
爲憶淵明今日是  
誰憐伯玉去年非  
歸與吾黨寧無夢  
老矣西山亦有薇  
九曲溪頭問真訣  
滄洲人在釣

魚磯

過大理次前人韻

生質慚非宋子朝  
且安懷抱謾魂銷  
虛名浪有新亭泣  
遠道能無擊壤謠  
宮外溪雲隨雨出  
枝頭野鳥挾春嬌  
睿人若識申生志  
安用雲媒着意調

過祿豐次壁間韻

去住無端渺問津  
到頭何日得吾真  
百官自是尼丘富  
五柳休辭元亮貧  
何處煙波堪倚棹  
故

山花鳥滯歸人羊腸石磴前程路閒詠歸與子在陳

與劉中貴總戎沐公遊西莊池次章都憲

韻

子瞻歸步雪堂時千載幽期卜此池二客欲從黃坂去扁舟轉上翠渠遲雲涵波影高低樹花放風薰新舊枝吹罷洞簫孤鶴杳羽衣相揖誰知

滇陽書事用晦菴韻

真得歸與卽破顏不愁光境落人間狂同莊叟談秋水喜竝陶翁見晚山出岫閒雲無定着知時倦鳥自應還結茅沽酒西園約分付詩腸且莫慳

其二

驛書飛報汗人顏宣慰顛危反掌間夷服未應輕一羽綱常原亦重丘山春秋時義今如此司馬風流不可還燕頰虎頭當自識天王茅土不

曾慳

是時夷酋思謀逐殺其王宣慰當道視爲輕末故此云云且思少司馬王公詔先曾

歷代詩選

明皇和杜牧

次集卷七十四

七

經畧此夷今  
不可得矣

曲靖道中見二叟相揖而語

彷彿仙蹤何處求  
滿山紅葉白雲秋  
壇輿歸度前峰去  
綿竹斜通小逕幽  
若有人家三兩屋  
新添雨溜一渠湫  
蓬頭對語云誰者  
豈是前身巢與由

沅陵道中次見素夢蘭韻

讀罷離騷思不窮  
遶欄香泛楚江風  
檀心芳韻幽貞獨  
魚腹忠魂臭味同  
媚世葦蒲徒論質  
充

幃茵桂謾言功  
客從千載求醒者  
空惹花神入夢中

侍御張希載惠詩因與遊太華次韻送之

開緘耿耿燦靈丹  
一段光芒射斗寒  
格擅大方今柱史  
名高少宰古周官  
誰逢東野低頭拜  
人慕西臺拭目看  
吟倚太華留不得  
五雲深處是長安

侍御迺翁名從中  
張都憲作序以中勉之

紫鸞飛下白雲鄉  
母拜孺人父拜郎  
翠翟蒙珠

添彩色繡衣環帶爛銀光人傳孝子爭矜頌  
帝爲忠臣錫寵章願以義方襲古訓聖恩如海  
日汪洋

寄沐國公時庚戌正月也

數符昌運誕奇才柱國勲名映上台月正夏時  
開歲首物乘堯曆露春胎勤民每自披無逸頌  
德令人賦有臺一曲長生熙帝載春風遙進紫  
霞杯

送高士達任廣東教諭

拜恩銜命出都門俯仰何慚儒者冠直以斯文  
鳴盛世休言此職是卑官間關嶺表梅爲驛珍  
重湖南杏作壇樽酒潞江悵離別滿江風月海  
天寬

曲靖會憲副兄示所編家譜有感

家祀中微一縷傳拜觀斯譜輒潸然闔門罹毒  
遺無地外氏寧歸似有天再世幼孤几孑立此  
時家業正顛連百年雲室追思筆續後兒孫尚  
勉旃



船溪驛用壁間韻謾成一首

時得鄉友鄭仲平所寄詩

曲逕縈行遶竹斜  
誅茅紉屋是誰家  
柴扃半掩梧桐月  
榛舍新移木槿花  
堂扁小迂聊託號  
人忘大耋莫興嗟  
閒雲意外看舒卷  
一任秋風拂髮華

又

疋馬沿溪日未斜  
村春方起野人家  
叨分瘴海三年節  
歸次山城兩度花  
愚拙誰憐于我甚  
窮愁何以慰民嗟  
故人詩辱郵筒至  
一夜風吹棠

棣華

有感

午窗慵起理殘經  
巧思縈心覺費神  
維鵠維鳩求自得  
呼牛呼馬任伊人  
憧憧且謝朋來往  
瑣瑣休論事屈伸  
欲占西軒玩經世  
滿川花柳暗天津

贈高都閫出鎮歸德州

武弁誰通吉甫文  
人從細柳識將軍  
殿巖祇護今朝寵  
鞘畧遙承累世勲  
節鉞纔離雙闕下  
雄

聲先播九河瀆載歌海岱皇風穆不用睢陽露  
布聞

贈白都憲姪進士榮歸

杏林宴罷錫歸榮領得春風向暑行帽壓宮花  
金粟重衣裁官錦彩雲輕滿堂袍笏誇先業千  
里驂駒稱上卿莫學文園便成癖凌煙傑閣構  
神京

贈汪生惟越歸壽雙親六十

孤蓬湖海半生跡六袞椿萱萬里家采得周詩

上壽壽直從堯曆紀年華鹿車共出溪頭路鳩  
杖歡迎竹外沙甲子又逢初度處微陽消息入  
梅花

贈史侍御考最得封其父母

內臺三載陟華勲奏績天曹荷寵頌臣節獨誇  
青署最君恩榮及白頭親豸袍雲護萊堂曉鳳  
誥花蟠御苑春我忝同官預榮幸也應感激頌  
皇仁

挽博士趙伯全主事之父

教滿虞庠望辟雖爲親不受子官封渠疏田涸  
追黎幹政攝花封紹魯恭槐國雲深遺蝶夢墨  
莊月冷輟隣春拙軒槁在人何在惆悵泉關十  
二重

次劉地官雨後韻

造化無私付太空隨渠猛雨又狂風鳴臯竊訝  
乘軒鶴干木還嗤得桷鴻青眼相看書一卷紅  
塵繚繞髮雙蓬陰晴都且歸何有剖破藩籬脚  
大同

贈侍御王思德壽雙親

海上元戎重憲臣南巡歸便展雙親百年忠孝  
丹心壯七袞嚴慈白髮新鳧藻喜逢初悅日豸  
袍光映壽筵春微情應有登堂約三月鶯花正  
可人

贈馬寧王君仲節之任

一騎駸駸向馬寧刺桐踈柳暗蠻汀如今禪將  
兼文武自古提兵識變經秋色滿江橫劒氣晚  
光浮酒露弓形故交山誼他鄉別怪底西風放

歷代詩選 明雲程本稿  
半醒

和王提學九華山韻

人間清峭說南華九老風流自一家半幅春屏  
開錦帳一泓秋水浴蓮花偶捐官牒餘晷日閒  
撚吟鬚看落霞寄語山靈莫相嗇此心風月不  
須賒

次經友吳維序韻

旅泊愁腸日九迴忽聞高調獨徘徊謾將清夜  
孤城角吹落空齋五月梅吟畔渚蓮閑簡帙望

雲樹動樽罍算來不是田文客長鉞休歌歸  
去來

咏扇面紅梅

庾嶺西頭湖水東玉顏寥落爲誰容不應悞入  
桃源路染得春風幾點紅

寄家書有感

寫就家書便寄歸鄉心隨逐鶉鷄飛東風原上  
春多少目斷衡陽總不知

用石田沈公韻詠小景

歷代詩選

明雲程本稿

次集卷七十四

十三

歷代詩選 明倫彙編 家範典 卷一百一十四  
三  
誅茅營屋此山中路窄那容馬足通客子江心  
忽相憶扁舟蕩漾過晴空

林玠

字廷圭別號靜菴天順壬午舉人以  
子文纘貴贈刑部主事年二十五卒

李王葉三兄見訪偶作

城中數高友雅志精葩經抱策對韓檠一時俱  
有聲文華絢人目炳炳如丹青李君飽所學已  
見歌鹿鳴王葉二名賢苦無素知音天意固有  
在畱君啓後人咸與吾兄遊彼此皆忘形天花  
當座落水色入簾青時下陳蕃榻聞鼓伯牙琴

予昔方卯角見子恒自驚一心敦向慕荷教以  
陶成壬午薦賢書濫竽南廓名天意不我佑蚤  
復自凋零春色夢胡蝶秋風悲鶴鴿悠悠九泉  
客綵綵若平生寸忱不能達聊此敘幽盟

仲夏夜書暇觀蓮

羣籍味匪測杳若天難升涵泳索道腴庶可得  
其精躍如見真趣悠游湖水濱相彼君子花寔  
能諧我心清風傾綠葉湛露綴丹英舉目開凝  
眺效彼濂溪窈芬艷浮青眼清香拂素襟呼童

歷代詩選  
泛美酒對此紅芳傾飄飄一葉舟瀟灑其中陰  
內通外以直契我信道情扣舷歌短句詠此華  
晶熒鼓枻臨中流向此錦叢吟所恨玉樓召奄  
忽殞文星若人已仙去此花空自馨

書樓極目爲牟公子作

旋步樓前望青天青天意與吾心連碧波清泚  
侵書幌明月光風冷坐壇扶杖行歌挹美景此  
景昭合吾真境清風搖動視池雲飛鴻點破江  
山影舉頭延佇看早春春光意與吾心同毫端

生翠龍蛇走書韻遙飄萬里風凝眸開襟拾元  
氣元氣渾似吾心致鷺落滄州謾自飛龍潛碧  
海行當試試得清光達九重紛披鱗鬣橫蒼空  
窮經志士能如彼生平無負勤書功功成不見  
固可羨嗟余不幸誠可覲玉樓入夢到九泉空  
歎文星終不見

賦得落花自述歌

花落柯花落柯飄飄颺舞因爲何武陵一夜東  
風起落落此花英滿徑坡花落柯花青春遊

子勿復歌花隕暮春春又發人衰復壯世無多  
君不見隣叟牆頭過濁醪此花正滿東平臯又  
不見春從綠樹陰中老惜花士女空蹉跎吾生  
志與秋天高天乎不佑可柰何嗚呼噫嘻兮更  
勿道屈原豈甘沈汨羅夷齊空守西山餓人生  
有死固莫遜少年而死寔可悼花褪殘紅心懊  
惱惜此落花誰可報非是人老不如花只恐看  
花時復過嗚呼噫嘻兮復何道長歎一聲天地  
老

別牟公子勤夫

聞君雅德音克紹彼前哲悠悠萬里資顛顛一  
時傑詞源江海深嗟予不足白春宵幸一見愧  
我死生別

羣雁失一

嗷嗷青雲邊迢迢碧漢裏羣唳盤石間和樂無  
可比孤飛入九原廻翔赴萬里天道旣如斯吾  
行將安止

送人

之子還鄉國離離書一肩舟分帆掛雨萍泛水  
搖天雲染天閑騎風輕去路鞭更期秋月裏高  
折對嬋娟

別黃秉中兄

家林鄉國共風塵對榻論文志氣真本欲同爲  
都下客豈期先作地中人緣芸庭館虛殘月青  
草池塘憶暮春黃卷悠悠誰切琢生平空負一  
經綸

江村適興

綠樹蒼茫景物葱一竿清泚暮煙中牛眠芳草  
霑寒露鴉帶浮雲度晚風水鏡光澄舟外渚山  
屏翠接樹中空漁郎數曲滄浪夕韻徹樵村縹  
緲東

雨後遊山

雲收雨歇草呈鮮着屐優游翠黛前綠樹陰中  
迎白日蒼松影裏步青天臨風作賦花添趣坐  
石彈琴鳥助絃無限丹青窮不盡歸來取筆灑  
雲箋



雨後觀山

雲歛前峰雨乍晴  
望中煙樹轉分明  
鴉迷黛色嵐中老  
鳥哢丹青竹畔鳴  
芳草萋萋苔積翠  
落花片片水流聲  
寒子書暇凭闌睡  
忽覺胸中遠趣生

題巴蜀辛勤夫所居八景有百丈厓九盤

山銅鑪驛平灘  
河將軍洞石洞寺石佛  
寺藏經坪

百丈高峰聳碧天  
崔嵬山下物華鮮  
彩舟常報

堂前喜清泚  
頻瑋屋後絃  
明月光搖壇  
將洞薰風涼  
愜石巖仙東  
君休道虛無  
事爲毀藏經  
寶聖編

題雲塢丁親丈所居八景有雲塢春耕螺

江晚釣古候  
龍臺金山雁  
塔芋原彩舟  
洪關戍鼓妙  
峰梵刹瑞嶺  
清幽

草芥功名鋤曉煙  
半竿秋水坐嬋娟  
龍臺猶見祥光燦  
雁塔期標世代賢  
泛泛彩舟雲外月  
蓬蓬戍鼓霧中天  
勸君休涉虛無境  
瑞嶺先曾見

有年

送牟公子入蜀

故人別我謁親廬西望歸程萬里餘  
綠樹蒼山雲阻隔離離行色半囊書  
官橋勒馬天將暮客路逢秋柳漸疎  
丹桂一枝年少事題板切莫讓相如

夜景偶作

天色蒼蒼月影浮輕風搖燭淚珠流  
今宵不醒南柯夢落葉飛花萬古愁

人聲寂寂犬聲寒玉漏頻催夜已闌  
銀燭流珠和我淚清風明月半欄干

懷三家兄在杭

閒奏墳荒倚夕陽忽驚飛雁在何方  
武陵回首青山外幾度西風欲斷腸

勉十舍弟攻書

學海由來百丈深堪嗟遊子浪浮沈  
須教眼沒全牛處方表平生苦用心

諸兄弟敘意有作

吾家昆季十餘人獨愧青雲寄此身不擬冷霜三四度頓摧芳草憶殘春

寓意

銀燭光浮春夜長簾鈎明月野花香樵樓寂寂哀笳發耳聽寒聲每斷腸

暮春

蜂慵蝶老綺羅空九十春光一夢中遙想故園遊冶處無緣花草付春風

所南高氏  
珍藏  
書畫山

樓

胸期遙隱薄圭璜跨犢悠遊過草堂一笠清風歸去晚白雲橫笛叶斜陽

首夏

春已言歸夏又臨青槐枝上噪蟬音芳郊遊子愁炎暑一握薰風坐綠陰

按孝廉君仙逝此詩乃箕筆也遺腹子生爲書名曰文纘繼吾志者此子也其後發

達皆若券云

林文纘

字德緒弘治己丑進士歷任湖廣參議廷圭之子有激芳集

歷代詩選

明雲星八編

次集卷十四

三

陶淵明

吾慕陶靖節瀟酒古今聞耿耿拂軒冕悠悠巢  
松雲三杯中聖酒五斗辭其君高臥北窗上日  
夕對清芬

再入計

冒寒發江郭嗜衆述所職驅車策駑馬夙夜不  
遑息行山歷峻坂遡川履深澤昔來楓葉青今  
往霜林赤郡縣景舊遊轉盼非疇昔新知多遷  
除故吏半更易惆悵時物移銅符猶未釋服役

職所任詎嘆如蓬跡耿耿懷抱微芹天顏期再覲  
送游世重出守永州

一尊餞都門鶯鳴似相語二別高嶠哦營陽杳  
何許三疊勞我思牽袂別情縷四牡首已西塞  
帷灑時雨五月雷行天大憇驚破柱六宇和風  
翔龔黃未足數七星照耀懸仰眎慰延佇八斗  
憶論文何時得揮楮九閭騰最聲用圭告明主  
十行下漢綸階秩登卿輔

題戴文進赤壁圖

元豐有案詩成獄五載南來事遷逐黃岡形勝  
何處無赤壁磯頭山水綠古樹深蟠不老根懸  
崖瀉下飛來瀑白露橫江風氣涼月出東山皎  
如燭扁舟款乃擊空明主賓逸興何常足歌聲  
上薄斗牛寒玉簫吹起鮫人哭此時此景情最  
融那識升沈與榮辱舊存詞賦未淒涼千古虹  
光耀人日臨安畫史藝無雙貌得生綃橫半幅  
揮毫幾度不成吟祗恐神遊笑狸俗綿邈高風  
何處尋漠漠江雲寄遙矚

輓郭澄卿比部

廿載相驪對玉山玉露朝敷玉井蘭文成價踴  
長安紙典來濡翰滄江灣天祿勤渠邀太乙白  
雲盆下開白日斗間紫氣正憑陵忽報玉樓徵  
彩筆知己新裁嘆逝篇頰憶燈前夜雨年那能  
化得峰頭鶴月明飛下弔荒阡阡下重泉光杲  
杲聲華千古留玄草延陵有劍寄高懸孤須啼  
斷松楸老

題青籟軒

歷代詩選 明季和雅林  
滿林花木多奇異，月色雲光繞團翠。曉風當戶  
隔簾聲，却似笙簧半空墮。相對胡床枕上聽，芭  
蕉門外響微霆。四時蕭颯和青靄，漸近茅齋晝  
不扃。蒼茫遶砌疑春綠，少種蕃桃多種竹。身入  
華胥夢不驚，任他風雨搖牕玉。知君家在古松  
林，長奏簫韶滿院陰。有客乍來同唱和，閒看黃  
鳥過牆吟。

行會稽道中懷古

茅店數聲鷄催行，陵會稽水滌南鎮。路城遠若

耶溪，興盡營歸思。詩成覓險題，英雄千古恨。猶  
憶越王棲。

觀紅白梅花

歲裏東風暖，尊前夜月斜。冰肌凝絳雪，粉額點  
丹砂。水動交枝影，香浮間色花。繽紛難應接，何  
異武陵家。

送人之金陵

一別津亭上，離魂在客先。帆開秋浦月，馬滾晚  
林煙。岸柳蕭疎後，江楓冷落邊。六朝佳麗地，當

讀養生篇

和鄭繼之年兄

離愁忽十秋，今喜晤齋頭。  
懷有劉蕡賦，身仍季子裘。  
螭龍留化劍，斷雁掠行舟。  
破悶憑尊酒，相看夜漏悠。

登月峰

久愛城南勝，今從鷲嶺遊。  
月來燈共寂，塵斷思俱幽。  
草密偏迷徑，松高不礙樓。  
看山殊水倦，還去聽溪流。

飲楊繼明宅分得渠字

京塵衣上滿，言避子雲廬。  
字問三墳篆，觴流九曲渠。  
青眸回舊侶，白練草新裾。  
但使神情洽，曾攻禮法疎。  
秋聲萬籟動，月色半窗虛。  
老去花飛盡，悲來鴈到初。  
宦愁憑酒遣，國用仗誰舒。  
拍手呼雲鶴，低頭愧佩魚。  
斗間猶紫氣，看劍嘯庭除。

送潘黃門奉使琉球

九重德化被殊方，萬里頒封遣夕郎。  
玉珮雙辭雙鳳闕，錦帆遙指百蠻鄉。  
寒濤洶湧

歷代詩選 明皇朝 卷之六  
氣淒清帶月涼後夜思君何處是使星東望近  
扶桑

題上海分司

獨對湖山舉一觴醒中吟咏醉時狂丹砂不是  
千年物白日難消兩鬢霜身後碑名空自好眼  
前蓬轉爲誰忙恬然生意隨緣過日月無多自  
散場

送湯溪胡大尹擢雲南霑益州知州

胡曾  
知將

樂  
縣

仙令風流世共誇玉華山遍又金華三刀已剖  
專城竹五斗難留滿縣才漠漠晴雲隨綵旆萋  
萋春草擁朱車碧鷄金馬多陳跡莫嘆滇南道  
路賒

贈張經世

仗劍他年別帝畿上林寧戀一枝依珠江才子  
方成賦玉勒王孫忽報歸百輛青蚨天上轉五  
羊彩霧馬前飛憑君不作長安夢曾奈詩名遍  
瑣闈



題李鳴鳳臥遊圖

大塊微茫何處安  
彩毫移入座中看  
春風不管鶯花老  
夜月長懸湖海寬  
對客半圖天萬里  
遊仙一枕日三竿  
夢餘偶欲消殘酒  
便指雲間金露盤

觀禹碑

聖德千秋沒神功  
不可聞獨留苔篆跡  
猶似百川文

金谷園

珠愁粉瘦竟何情  
惆悵當年玉笛聲  
却恨墮樓人去後  
夕陽高樹亂蟬鳴

寄戴文進

借得幽居傍翠屏  
蓬頭盡日寫丹青  
有時詩就狂歌去  
踏破松雲月滿庭

寄答王子敬

自昔聞君未識君  
青山遙隔半江雲  
幾回欲慰相思處  
翠羽啼煙鎖夕暉

折楊柳

極浦衰楊夕照遲長條折盡短條垂秋風吹舞  
方搖落折得殘枝欲寄誰

林壁

字茂東嘉靖己丑進士歷任廣東嶺南道文績之子有雲溪集

題徐孺子墓

行藏原有道出處須見幾恐耻穀危邦豈若其  
蕨薇漢道昔云季人君擁虛器西日走崦嵫寸  
繩豈能繫濟川非無情中有波濤驚不見陳與  
竇殺身竟何成南州坦平地高遂夷齊志有齒  
寧食力不掛安危事噫錮任紛紜安然麋鹿羣

束芻千里道唯哭故人墳我遭明盛時思君一  
吊之雖無仲舉榻重讀九齡碑

登旗山絕頂

旗峰聳拔摩天起鸞飛突忽百餘里煙雲日月  
相吐吞滄溟河漢一杯耳竹筇直上萬尋峯手  
摘星辰擎羽風蓬萊宮闕啓天半九洲萬國如  
環中流鶯巧囀秋山春空谷碧鹿爭窺人白鶴  
天際杳然至知是神仙還洞庭我來欲紀神仙  
境蓮花臺石蒼苔冷踟躕山末發長歌他日江

頭選引領

雪落曲

黃沙漠漠煙如織雪花漫漫銀花白東山北山  
愁鬢絲青女素娥驚奪魄妬入盧家壓玉堂狎  
作尚書瓊樹新山顏不惜醉欲死桑間餓士誰  
憐人

題朱氏別業

十築雖城市清幽寂不譁庭鋪榕月碎池漾柳  
風斜辟砌雲黏逕圍籬竹亞花主人還有興客

到自烹茶

妙峯寺

地以入山勝心因到寺幽雲邊斜塔影門外俯  
江流香積松花供清尊竹葉浮千岩兼萬壑如  
在鏡中遊

集楊成玉宅分得蕭字

同調憐岑寂分耳忽見招興清撐病骨浮白覆  
瘦軀秋蚤冥鴻迴天空高隼驕盛時重慨慷涼  
色更蕭蕭

唐詩選 卷之八  
日占謝李司空

江色吹來紫關門眼倍青風雲驩促膝珠玉愧  
相形自紆當筵和滄浪倚棹聽月華如惜別夜  
夜滿前汀

和鄭于漢附舟

書劍來高士慙非元禮舟曉篙穿月動夜吹入  
雲流潮滿龍魂靜江空蜃氣收不禁頻戀闕  
首卽皇州

戊婦

風促敲窗葉流黃織未成思繁千縷亂形冷一  
燈清涼月羞簾影寒蛩慘壁聲夢魂難自定恨  
不到遼城

送林稚圭之吳

楊柳離亭曉乘潮去入吳春風千里遠暮雨片  
帆孤興廢前朝寺繁華古帝都勸君休縱酒所  
慎在長途

冬日同高宗昌湖上晚眺得鴻字

鐘聲鏗未已天際斷孤鴻隔岸村春響前山野

燒紅烏喧松嶂裏魚躍水花中不憚歸家晚難  
逢勝友同

別陳德輝却贈

客塵閉蘭芬孤尊悵失羣官從蒼狗司岐任紫  
駟分孺榻懸春雨仙舟逗夕曛離愁難竟掃夢  
繞川邊雲

題桃源圖送人就婚新都

三百灘聲去路長黃山白嶽總仙鄉隔溪樹拂  
張生黛出峽風傳荀令香一葉蘭舟屏裏畫千

花潭水鏡中粧爲君細與秦人說今日漁郎勝

阮

贈潘黃門使琉球

殊方旭日照黃麻胡越空聞詫一家狎燕繞檣  
帆是錦游龍吹浪玉爲花水晶宮裏人乘月織  
女河邊月送槎北望夷王三稽顙使星雙耀重  
皇華

送人之貴陽

客程乍識貴陽天鱗語灘聲鳥道懸颶母啼風

汀草外射工吹雨石林邊黃牛峽口思鄉遠白  
練磯頭對月眠莫謂遐陬少知己奚囊應見壯  
遊篇

贈戚南塘總戎

桓桓飛將出天朝探穴威風聲望遙勝算每師  
周尚父竒勲曾擬漢嫫媯雙龍斬水妖氛熄萬  
馬嘶風部曲調他日圖名麟閣上承恩不獨有  
金貂

送僧遊方

名山歷遍海天濱錫杖橫挑貝葉文洗駿立殘  
春澗月降龍收得曉堂雲經行野寺投鐘宿乞  
食荒村與鳥分到處不須除箸笠講壇花雨正  
紛紛

題楊承如寅丈梅竹亭卷次胡綠華年兄

韻

小隱孤亭煙霧深亭前手植已陰森開簾月霽  
羅浮色吹律風敲嶰谷音駢組離離羈宦跡一  
丘落落寄幽心化龍調鼎諸雛在老我那知升

與沈

內翰黃仲昭以言被謫湘潭賦別

一道封章徹紫宸  
愛君寧復畏君嗔  
玉堂本是論思地  
湘水甘爲放逐臣  
狐權夜寒唯有月上  
林花發不知春  
皇明恩澤寬如海  
珍重將來報主身

送高宗呂

道上鞦韆轉餉車  
壯遊正值聽鶯初  
垂楊拂水春無賴  
芳草和煙翠不如  
龍塞紫雲迎使旆  
鶴

白王卸仙裙  
桃花縣裏經過處  
應愧枝頭葉已疎

塞下曲

陰山雪霽望旌旗  
道是單于射獵時  
多少清笳吹不斷  
胡人心喜漢人悲

寄劉楚卿

兩地相思杳不聞  
半岩叢桂日氤氳  
何時得借松房榻  
坐看山前幾片雲

雨夜宿絳月蘭若

歷代詩選 明倫彙編 卷之七十四  
濛濛春雨鎖禪扉聊借繩床暫息機却被鐘聲  
催夢醒一庭煙靄鷓鴣

贈武城張丞

公暇哦松澗轉清鶴馴相引客閒行片帆回首  
斜陽外隔水猶聞絃誦聲

石倉十二代詩選

明次集卷之七十四



石倉十二代詩選

明次集卷七十五

留餘稿

大明


三山陳  
後學曹  
在開

松逕風

一逕深且紆  
森森覆松栝  
清風池上來  
幽思與之發  
逸響諧素琴  
涼陰散湘帙  
弘景或可邀  
高懷共清豁

山寺夏遊

素懷壓囂塵  
况值煩暑逼  
緬彼青蓮宮  
峒巖巖倚



空碧乘興携素琴緣雲散輕策山深岩逕紆境  
淨松蘿密老衲忽相迎坐我三生石啜茗談苦  
空了然羣慮息曇花飄天香岩翠落巾烏回首  
盼塵區營營果何益

思母

征夫日駢駢王事憂靡盬孤雲何處來悠揚自  
輕舉隨風天外飛往來無間阻雲下是義山親  
舍此其所道遠不可卽寸心良獨苦默默兩忘  
言翹首重延佇

懷友

美人在何方去住不可度閉目想儀容冥心寄  
寥廓憶昔論交日看雲時共酌調我膝上琴喚  
起松間鶴青雲惜分飛白首欣有託慎勿逐紅  
塵參商遽牢落悠悠江上舟啞啞簷頭鵲爲報  
義溪鷗還來尋舊約

菜菔

園菜何青青青春風藹生意茂葉已充庖靈根復  
萌肄偉哉君子心於茲識真味薦之羅綺筵令

歷代詩選 卷之五  
人薄珍異

松下詠古

古松夾通徑一水清而紆有客坐松下含笑讀  
漢書乃知絳與灌不若南山癯百戰徒爾勞一  
語雅且都漢祚垂四百元啓子房謨

與林方伯世調葉學諭茂才鄉進士世增

洎堂兄文厚夜泛分得鳥驚二韻時乙

丑歲十一月十三日

雪晴天始寒午夜孤蟾皎睽彼座上人隻軼風

塵表笑談宇宙寬傲睨江湖小林影逗空明波  
光窮浩渺行樂貴及時百年同過鳥

虎溪三笑圖

所趨固異門襟懷頗同調以畧辭垢氛廬峰擇  
高妙社散機已忘談空且流眦輕風吹浮雲誤  
越虎溪徼顧茲空翠間撫掌同一笑詎識千載  
餘畫圖有遺照

臘月十四夜翠庭主會泛江以欲問吳江

別來意爲韻

夕景澹餘暉一棹弄溪曲欣茲四五人歲久情  
愈篤天寒露氣重江靜波光綠綠酒間新詩舍  
此更何欲

冬去春復來乾坤有常運達人體自然百年付  
良醞靜夜江有聲微雲月生暈相逢且盡歡得  
喪何須問

鴟夷本高智所志在五湖遺迹已千載出處真  
吾徒俯視滄波渺仰看明月孤散髮弄扁舟何  
論越與吳

空江獨釣圖爲璋姪題

一氣團虛亘寥廓天光雲影鏡中落紛紛物態  
從變更眼底何如阿翁樂名利不牽身獨閒萬  
頃滄波百尺竿溪月江風隨意取星星短髮顏  
如丹潮來潮去憑此竹不釣齊璜釣荆玉遊鱗  
掣破浪花圓欸乃一聲山水綠君不見渭濱人  
熊羆不入姬文夢百歲風光老釣綸又不見巖  
灘老漢家名節在一絲雲臺事業迹如掃誰寫  
斯圖託意深小阮重之輕南金持來索我題佳

歷代詩選 卷之四 四  
句薰風灑灑清煩襟幾向濯清亭子上凭欄相  
對成惆悵安得呼酒傾百壺爛醉沙頭續漁唱

德符姪請爲汪時勉題謝廷循山水圖

扶桑日上高千丈閉却衡茅謝塵鞅篆篆漸消  
石髓香每憶丹青愜幽賞小阮叩門持軸來披  
圖一翫煩襟開云是汪君最瀟灑博古重文亦  
妙哉眼看此圖如初夏重林疊嶂相高下老松  
號風白晝寒飛泉漱石丹崖瀉千峰萬峰天地  
鍾巨靈劈斷真奇功水石奔衝躍駿馬樓臺掩

映森蒼龍巋然梵刹倚空表俯視滄溟一杯小  
老僧入定不出門隱隱鐘聲度林杪小橋流水  
深復深雲護碧榦團清陰策蹇杖藜誰氏子青  
天破帽隨瑤琴石徑縈紆少車馬草堂中有讀  
書者說秦有術陋蘇張相漢何能追董賈兩翁  
坐對話同心十載歸來卧朝簪南薰拂拂披滿  
座水花弄影浮衣襟獲麟細談傷國史日午酣  
歌猶未已遙空雨歇斷虹明列岫層層獻青紫  
片帆何處送小舟乘風載酒逐江流山中有約

歷代詩選 卷之五 五  
掃苔石一飲共洗千古愁相逢傾蓋渾如故杯  
酒論情寧論數溪魚吹破浪花腥野鳥豕殘庭  
樹暮胸次悠然浩無垠從教臺閣書奇勲太上  
道德端可仰浮世功名奚足云吁嗟此景果何  
有道子王維去已久誰家術者巧摹臨筆端造  
化傳不朽我喜近得脫樊籠滄浪一曲清塵胸  
仰天倚劍發長嘯懶雲墮地空重重安能呼起  
畫中叟相與談笑傾一斗揮汗題詩寄汪君莫  
把樽前輕覆瓿

東江夜泛用謝康樂詩句十韻

東江頭秋月下碧樹金風更瀟灑滄浪之曲歌  
未終孤雁一曲落平野

泛金尊乘白舫仙客主人翁爭個儻碧波倒浸玉  
芙蓉醉坐江天愛平曠

棹頭月江上花花影遙連月影斜漁翁醉卧泊  
江渚猶把長竿插釣沙

秋水清清且渙月色當空似平旦扁舟着我兩  
三人唱和風前醉巾岍

態遨遊適情性明月清風隨所咏安能呼起謝  
元暉相從得句澄江淨

真率會年復年清才藻思兩逋仙停杯琢就驚  
人句白露橫江秋滿天

歌麗曲斟濁醪魚龍水底避詩豪蓴美鱸肥無  
限興青雲何似白雲高

高低樹遠近洲太平身世兩悠悠洞簫吹醒坡  
仙夢仰看一鶴橫清秋

雙杵鳴孤鴻沒仰視方山青一髮良夜迢迢何

以娛扣舷更酌歌明月

夜將半潮正平兒童告我玉壺傾賓主分携各  
歸去猶有隔江漁火明

潞河風雨次韻

一望碧波深孤帆柳外林滿江風雨恨萬里故  
園心對酒思前事逢人寄遠音秋聲何處急茅  
屋亂鳴砧

送閔都憲陞南司寇

撾鼓發樓船歡聲沸海天春花明五嶺烽火息

三邊功在摩崖石名垂汗簡編鄉園今便道畫  
錦卽神仙

次毛叅將秋日江居十章爲潯陽甘貢士

賦

門外秋波潤寒光悅醉眸白鷗閒對我紅葉暗  
藏樓酒旆垂隣館漁燈見遠洲虞卿諳史筆終  
日著窮愁

二

雲淨羣峰出江空一鳥遲雨前蘿補屋霜後菊

編籬巢燕非新主沙鷗是故知考槃人自取天  
地豈吾私

三

數椽依靜渚卜築是良圖楚嶺桂開盡潯陽雁  
到無池分秋瀑細窗透夕陽孤兀坐成何事潛  
心味典謨

重九林方伯主會泛江遂遊枕峰寺分得

林字

酒闌悶拭目列岫散浮陰鷺帶殘霞斷風飄落



葉深簪花三五客倚竹短長吟獨鶴歸來晚鐘  
聲出梵林

山居述懷

犬吠孤村外柴荆手自捫草深含宿雨山淺映  
朝暎平野牛羊散閒庭燕雀喧同心在何處搔  
首欲奚言

釣龍臺

憶昔山中逐鹿回層臺兀嶺倚天開霸圖一去  
空流水遺跡千秋變綠苔漁釣謾疑靈物在江

雲猶想翠華來古今多少興亡事颯颯悲風動  
草萊

淵明

涼風天末動清秋一片閒雲返故丘自是雅懷  
能脫畧肯因微祿更淹留葛巾漉酒芳樽滿藜  
杖看花小徑幽寄語紛紛紆轡者何如林下早  
歸休

聽雨軒醉起

江上重門掩夕陰小軒燈火夜沈沈醉來不省

窗前雨卧起還調膝上琴春草池塘牽藻思杏  
壇風韻入徽音卯君不啻吟邊興遙放書聲出  
遠林

留別世謙綠榕橋次韻

綠榕橋下水增波橋上騷人倚醉過自是金蘭  
交誼重故于樽酒別情多花當祖席飄紅雨魚  
逐新流弄玉梭把袂不堪分手去東風碧草奈  
愁何

懷焯兄

江頭酒盡眼婆娑一曲離情且謾歌北闕我依  
紅日近南閩君去白雲多春風馬帳情偏洽夜  
雨彭城夢屢過幾度相思不相見池塘芳草近  
如何

寒夜獨坐

萬籟無聲漏滴殘地爐火盡客衣單少年但識  
大南熱多病難禁薊北寒油凍銀缸燈焰短絮  
窗紙雪花乾自慚不似王延孝通夕思親夢  
不安

嘲人學脩煉

神仙飛舉本來空，後學紛紛醉夢中。  
老我已安生死分，有誰能造大還功。  
丹爐繆說千年藥，白髮依然兩鬢蓬。  
漢武秦皇皆好此，至今陵寢閉秋風。

至日有感

惱人塵事亂如麻，撚指光陰逼歲華。  
共喜一陽來復日，應憐萬里未歸家。  
寒威散作千門雪，春信吹飛六瑄葭。  
空憶灞橋詩思好，未知何處有梅花。

梅花

舟經白馬湖

湖光百里接長天，白馬遙看寶應連。  
斜照紅妝歸鳥外，遠山青抹斷鷗前。  
漁翁鼓柁空中去，賈客推篷鏡裏眠。  
三島蓬萊疑只尺，乘流便欲訪羣仙。

潮州謁昌黎祠

藍關匹馬雪漫漫，追憶當年事可歎。  
瘴嶺鳳來天有意，惡溪鱷去水無瀾。  
廟庭自昔曾封伯，山

木于今尚姓韓往往有功多立祀如公遺愛久  
應難

### 登仰賢亭

一登亭上一徘徊仰止高山倚上台星斗至今  
猶北向江流自昔盡東來好音隔葉空黃鳥古  
刻橫階半綠苔千載文光長耿耿當年佛骨久  
塵灰

### 過寶應湖

平湖積水澹悠悠遠樹溟濛映碧流千載乾坤

浮日夜一川蘆葦自春秋鳥從夕照空中沒魚  
向晴波鏡裏遊安得飄然無俗累狂歌散髮棹  
扁舟

### 送王宣差還家

兩字功名舉世馳扁舟來往共怡怡春風北去  
鶯聲早秋日南歸雁影遲驛路山川如舊識關  
河魚鳥謾相疑到家未許多濡滯四十爲官正  
及時

### 與竹爲二陳進士廼尊題

先生高想超塵俗  
蔣逕新開十畝園  
期與此君同節操  
每尋幽處避囂喧  
風來小院聲敲玉  
雨過前山翠繞軒  
昨夜春雷聳頭角  
龍孫無數出東垣

爲秋官林廷珍先生題太平清覽卷

旭日平堤雪半消  
滿前光景入詩瓢  
青松白塔前朝寺  
綠柳紅欄近郭橋  
玄武湖邊尋伴侶  
太平門外問漁樵  
公庭吏散閒披翫  
不用登臨興已饒

題分水關

層層峻嶺費攀躋  
頭上雲霄似可梯  
一水南分閩海遠  
數峰晴入楚天低  
雨聲忽助溪聲急  
山色遙連樹色迷  
擾擾浮名成底事  
半生空自羨幽棲

夜泊磚河

扁舟此夜泊磚河  
剔盡寒燈意若何  
半世功名驚老大  
十年南北笑奔波  
心懸魏闕雲霄遠  
夢入閩山道路多  
縱有客懷難自遣  
幾回彈劍不

成歌

登點翠亭

砥柱中流亦怪哉浪花飛雪翠成堆恍疑平地  
波濤起靜覺半空風雨來窗戶動搖亭落影欄  
干清潤石生苔謫仙已去東坡遠此地何人共  
酒杯

送饒平學諭謝原仁校文還任時余監試

同事又連舟至蒼梧故及之

灘江南下接梧州兩岼青山李郭舟木落風高

鷗鳥喚江空夜靜月輪浮殘牙尚憶紅綾餅寒  
色初侵紫綺裘明發驛樓情未盡一樽臨別更  
綢繆

宿蘇橋驛

驄馬行行歲事闌驛樓遙指暮雲間清江一曲  
門臨水碧樹千章屋傍山村巷幾家經寇破林  
鴉數點覓巢還何當爲掃煙塵靜處處柴門夜  
不關

病酒獨坐

曉風吹雨下西樓一縷新霜忽上頭老去固知名是累春來偏與酒爲讐莫多岐路亡羊歎且作山窗夢蝶遊回首桐陽尋舊隱方知人世有丹丘

秋日述懷次韻

一雨新涼到草堂水光山色坐相忘尋常處世嫌多累只尺懷人隔一方消遣老懷惟水竹釀成衰髮幾風霜秋聲滿枕清無寐斜月微明漏漸長

次遜菴風雨愁絕韻

虛亭兀坐笑衰翁風雨懷人意萬重芳草吟鞭無路入夕陽歸棹有潮通尋常樽酒情何限三五溪山興不窮獨歎謫仙遺響絕紛紛瓦缶更誰工

復林翠庭韻

一從謝事笑踈慵十載浮雲憶舊蹤老去耻爲彈鋏客歸來且學荷鋤農江心夜冷隔年酒月色春和何處峰夢入翠庭詩未就東風吹斷五

更鐘

從劉西窗諸君遊義山亭次韻

霧磴煙臺第幾層孤亭高處許先登空階不剪  
何年草老樹長懸百尺藤日午鋤禾人語細雲  
深看竹逸懷增呼童掃石題新句應記來遊此  
地曾

九日承林方伯招遊枕峰寺次韻

遙空一雁度斜陽楓葉含秋半有霜詩酒百年  
渾漫興菊松三逕未全荒雲連野色晴侵戶月

送潮聲夜到牀爲報重陽尋舊約竹深雲淨坐  
僧房

十一月十三日余主會夜泛東江分得桃

字韻

扁舟幾度泛江臯天縱清遊屬我曹別渚尚開  
霜後菊釣磯閒走石邊螯詩情放浪成千首雪  
色繽紛笑二毛爲語漁人莫驚訝前溪不種武  
陵桃

釣臺用韻



赤龍天上駕羣才何獨遜名卧釣臺明月一竿  
應自得玄纁三聘只虛來江邊古廟開秋草山  
半殘碑積翠苔夜靜客星無復見高風千古抗  
浮埃

題梅

我屋羅浮下黃昏月近人羣芳搖落盡見此一  
枝春

題竹

誰弄柯亭管秋聲飲恨長老龍驚不寐風雨滿

瀟湘

極目蒼梧野湘靈翠輦過千年枝上露畱得淚  
痕多

九月十三夜泛分韻

漁歌何嫋嫋擊楫復嘔啞沙鷗忽驚起衝破白  
蘋花

詠鶴

玄裳與縞衣何處來仙客夜半九臯聲霜天孤  
月白

題寒江獨釣圖

潮落江聲靜林寒雪色深一竿垂釣者曾識子陵心

雨中次韻呈林廷琛先生

風雨蕭蕭掩篔簹門夢中彷彿接清論覺來雲樹牽吟思潮落寒江野色昏

重遊東坡亭

十年曾向惠陽遊今日重來景自幽白鶴亭空人去遠青山依舊對江流

夜過程江嘲縣令劉同年不出

竹屋蕭條倚水濱黃昏何處問通津海翁本是忘機者何事沙鷗不近人

經鹿景舖

鹿景舖前孤樹斜虬龍偃蹇閱年華枝柯不爲風霜改畱得清陰覆幾家

除夜有感

蕭條院落一燈懸只爲蠻鄉掃瘴煙雲散碧天清似水何妨客裏度殘年

登可山亭次周時可憲副韻

草亭斜倚白雲邊石上清風一醉眠兩耳怒濤  
驚夢破松花吹滿碧欄前

題畫

老樹懸崖葉半秋草亭三面枕寒流釣船歸去  
斜陽盡惟有青山對白鷗

煙梅爲王和初題

天與孤高第一花却從幽谷作生涯歲寒喜見  
春風面謾遣踈煙故故遮

題扇別遜菴兄

十年詩酒幾東樓別意應將此筴留明到桐山  
揮手處雁聲嘹唳是新秋

棠梨雙鳩

淡月溶溶香未殘幽禽飛上玉欄干相呼不失  
雌雄好喚起春耕雨滿山

咏諸廢宮

屬鏤血冷劒池空遊鹿荒臺踏晚風香徑不歸  
西子駕竹枝歌沸月明中

右吳宮

千門萬戶玉玲瓏  
樂奏梨園曲正工  
怪殺漁陽鼙鼓  
馬嵬秋雨灑梧桐

陳墀

字德階與從弟達同登弘治乙丑進士有柏厓集

送潘希古僉憲閩中

白下江聲遠閩南  
草樹深聊因送君意  
更起望鄉心  
吏事多凋瘁  
民情異古今  
褰帷詢問處  
好爲慰呻吟

寄林利瞻夏官

禪林燈火話情時  
屈指俄驚歲屢移  
道路頻驅

憐我拙帛書長繫感  
君私枕邊聽雨心  
常碎鳥外看雲思  
欲悲何日束裝問津去  
西窗刻燭共成詩

寓古雄有感

謾驅羸馬走西東  
十里官亭萬里通  
巨鎮已更今日邑  
穹碑猶載昔賢功  
依依楊柳粧春色  
漠漠埃塵起暮風  
遙憶宋家三百載  
不將長劔倚空同

遊妙峯

歷代詩選  
尋真偶入招提境覽勝頗登詰曲山萬古乾坤  
一俯仰百年人世幾忙閒鐘聲繚繞僧初定樹  
影參差戶半關興盡不堪歸去晚恍然身在五  
雲間

重到南頭

輶車兩度海之涯歷歷雲山眺望賒鬢髻短裘  
歸洞女蓬門矮屋賣塩家半生不愧關西節萬  
頃還乘博望槎贏得耕農笑相逐道傍爭獻長  
官茶

溧陽行臺

百里河山附帝居明時一統混車書故基遺額  
猶唐舊土俗民風異漢初但使兒童歌有袴休  
嗟傳舍食無魚几塵落葉紛如許眼底何人爲  
掃除

遊君山

輶車隨處逐紅塵一上君山眼望新盡醉不妨  
同謝眺相留何幸有陳遵周遭城柵緣江固洶  
湧風濤拍岸嗔當日鑿輿深駐輦道傍休只論

春申

過老黃河

滄海桑田幾變過尚留遺跡此黃河橋橫老木  
車難度霜壓平沙水不波茅屋半隨兵燹盡宦  
途頻歷險艱多古今興廢俱塵土對景聊爲感  
慨歌

舟次彭城

河流滾滾勢奔鯨南北驅馳一舸輕換柁長年  
頻努力恒飢穉子總關情沙塵漠漠山容瘦風

木蕭蕭雁影橫却憶楚宮今泯滅路人猶自說  
彭城

遊金山寺

廿年奔走負山遊此日登臨夙願酬石洞雲深  
僧夢穩江門風急浪花浮荒臺古塔前朝寺青  
雀黃龍兩岬舟覽勝問奇歸去晚鐘聲月色共  
悠悠

送李貞夫還長河

身外功名真草芥飄然短屐拂衣歸也知自古

歷代詩選 卷四 德符  
才多忌始覺從前事已非新釀謾同陶令醉強  
年不用魯戈揮慚余尚繫樊籠裏何日從君自  
在飛

題許秋官壁間竹石

孤根托奇石高節近清暉更愛幽香發隨風入  
翠幃

陳璽

字德符自號守  
馨因名其集

春雨聚朋有感

細雨泥滑滑春陰思冲冲呼童炙海錯款客話

東風鶯語軟猶澀花容膩轉慵苔黏雙屐折詩  
迸一樽同舊竹棲祥鳳新雷起卧龍好友會不  
數良夜苦難逢杯盤已狼籍山樹半龍葱待曉  
晴明發陽和播九重

題震龍出澗圖

歲寒不改青山澀老大槎牙倚天立錯節肯爲  
螻蟻殘盤根甘與蛟龍蟄長風怒吼針芒寒飛  
流直迸芙蓉濕何人號爲綠髮翁此翁曾受羸  
秦封有時夜半風雷起須臾變幻江山裏有時

飛上明堂路便作明堂棟梁具周家作畫衆所  
推好墨淋漓多深趣挂君高堂素壁間白晝無  
雲生煙霧

題戴文進山水圖

疊巘層巒曲曲灣中有罅地非人間幽人靜觀  
適忘形輒向陰厓結茅亭亭前山色青可續亭  
下溪流瑩如玉邀朋終日話綢繆藐視乾坤真  
一粟老樹號風出林杪浮雲飛盡青螺小曲欄  
干外少人行對面長空落飛鳥輕衫細葛暑不

知萬象覺來清悄悄正是南華誦罷時呼童掃  
葉烹新葵噫嘻此圖誰所爲云是戴氏無聲詩  
戴氏山水稱絕奇筆端造化媿王維謫仙孫子  
如我期便欲跨鶴臨清漪

題高漫士山水

家本江南雲水村溪山閱歷窮晨昏巨口細鱗  
肥可餌時採黃菊邀琴樽泉聲挂月樹拖影屐  
齒穿徑苔留痕曉來携杖過山腹欲訪橋西隱  
者門露下清秋魚鳥沒橋頭白石溪流奔亭閒



歷代詩選 明陳德裕  
樹密人跡稀仰觀亭外青山渾平林一帶青欲  
滴遠岫微茫蒼靄吞隱君深歲久不出研硃黠  
究先天源梅花一點天心露富貴浮雲安足論  
何人默契丹書妙移來造化難與言李君重之  
如南金披圖偶爾效蛩吟對此令人豁心境隨  
處溪山皆管領

嶽觀道人邀酌杏樹下

白雲亂撒青山丫紅杏幾吐牆頭葩道人邀我  
花下酌滿泛松花對天啜醉來折取一枝春惱  
煞流鶯啼不歇

次果菴叔韻爲張公玉題釣月

風月老吟邊何人道謫仙撥雲金鏡現弄影玉  
鉤牽捉筆山搖翠狂歌劒倚天廣寒宮闕近醉  
袖任便娟

溪橋話別卷送中表林尚仁之京

天踞長安遠行人早挂弓羣山橫遠黛一水駕  
長虹花木餘暉裏杯盤返照中情牽閩嶠月思  
逐海帆風薊北三江接燕南九派通臨期嗟契

歷代詩選 卷之五 三  
澗握手話萍蓬榕葉風前暗溪桃雨後紅野鳧  
時出沒浪楫任西東天地留詩在江山送目窮  
嶧桐須斲削荆璞賴磨礱去割故園戀行思上  
國功謾言千里別還擬一樽同

江右回寄德新弟

武陽携手淚沾巾遙望閩南卽海濱月色却隨  
歸去雁雪花偏逐遠行人夢迷池草增惆悵吟  
對溪梅轉逼真謾倚東樓發長嘯芸窗燈火好  
相親

宿鯉湖靈宮有懷栢崖兄長

春光幾度卧煙霞獨步仙岩景更嘉棋局驚殘  
蝴蝶夢天風吹破杜鵑花珍珠流落百千尺環  
珮聲聞三兩家鴻雁一行孤影斷義江溪上卽  
天涯

贈林克英表弟是日艤舟會飲

一葉輕舟閣水湄十年蹤跡兩心知風雲羨子  
隨撐駕漁釣從誰亦便宜丹葉墮前秋已老碧  
雲開後月初移笋輿爍火催歸速翹首江干繫

所思

和鸞峰雅集卷中韻

三何聲價數君多長約耆英載酒過皓月停杯  
歌郢曲清風吹袖拂雲和日移花影來窗隙鳥  
雜松聲落澗阿蹇拙欲追詩社末紅塵華髮夢  
中蟠

送黃文澤之金臺鄉試

春滿江梅子弄酸看花仙客據征鞍錦鱗躍破  
千山影柳線斜牽七里灘但把青篇勤繼晷謾

言佳句似彈丸長安消息秋風裏一段天香徹  
廣寒

細雨入樓和韻

西風吹斷萬條絲都入層樓作雨時詩酒有懷  
應不寐鶯花無語景誰知隔窗雲滯青天小捲  
幔泉連翠黛款誰把春缸浪傾倒醉魂常繞玉  
山墜

題高孔華小畫和韻

屋迥野雲白林昏山雨過杖藜拄橋北識面青

山多

古木參天立閒雲入戶青推蓬恣吟眺夜坐斗牛橫

小景

詩思濃于酒山容碧似苔美人清不寐撐出小舟來

斑鳩

香禽自何處共立枝頭語喚起曉耕人西疇足春雨

題景時小景

細雨着苔黏屐齒白雲飛樹挂山頭扁舟直放武陵去滿地秋聲人倚樓

爲茂通題扇畫

亂木蕭蕭楓葉酣扁舟閒釣五溪南屋頭嶺瘦杉如戟長嘯一聲煙水藍

爲介菴叔父題畫屏

雪漫江天萬木窮一間茅屋覆詩翁何人醉醒梅花月踏徧寒山路幾重

文峰貢翠

靜坐無聊兩鬢蒼  
教兒何日繼書香  
閉門忘却春容老  
燕子銜泥入草堂

爲人題春草

禪房一榻看離離  
好似西堂夢覺時  
詩句滿前吟不就  
謝家池上雁來遲

送呂克興會試

驛路迢迢隱隱山  
看花仙客度山關  
長安故舊如相問  
贏得煙蘿味一閒

陳達

字德英 蒙菴長子 有虛窗小槁

暮春遊西山道院和楊陶園五平體

嘗聞神仙儔相娛  
分杯簪吾儕將無同  
尋芳忻聯驂綠茲扞吟  
豪煙霞非窮耽樓臺  
明空中星辰疑可撰  
幽墩滋苔青山花迎  
風醜羣峰遐觀奇流  
泉清而甘倉庚鳴春  
暉金烏驅朝嵐臨風  
懷當年沈淪基清談  
皇明開新宮佳晨崇  
朝叅樛材叨郎曹行  
歲期無慚殷勤摩穹  
碑神功應周諳清遊  
憐吾曹新詩題山菴

歷代詩選 卷之五 聞蟬賦別送李古冲吏部

珠宮擅虛敞灌木饒蕭森蘿蒙古洞匝不受煩  
暑侵有客遠行邁於焉洗塵襟睽違寧足道宛  
如辰與參壺觴甫交錯清風遺好音悠揚重淒  
惻對此誰能任緬懷物理微高潔諸夙心曉吸  
沆瀣零暮止松桂陰飛鳴亦自適伺者徒相尋  
因之深有感聊以調吾琴願君崇令德嗤彼澤  
畔吟勛業方肇茲佇立還朝簪

嘉靖癸巳十一月望前三日舟飲夜闌乘

興登虎丘有作同遊者楊文泉道南謝  
嵩南宜相許高陽初而東君則張餘山  
瑀也

解組返南服了無塵慮羈泛泛楓橋道悠然興  
遐思澄波映皓魄偏與我心期忽逢携酒至促  
膝敘睽離更深逸興發眷言將何之仰睇藥珠  
宮轟轟臨水涯朋遊方息駕燈火猶參差攝衣  
履岩峩積氣釀寒颼昏碑渾莫辯但可記名誰  
講臺固已幻劔池殊足嗤云胡千載內聲稱乾

歷代詩選 卷之五 三  
坤垂山川待人顯此語良亦私吳門本平壤茲  
丘突而奇俯視州邑間羅立還纍纍通宵見野  
燒薄海延朝曦花柳郊原暗帆檣煙雨移豪華  
傳上昔文物盛當時王孫恣遠眺墨客哦新詩  
抒懷藉靈境訪古傷陳規佇久迺因是區區能  
爾爲但令達者觀存亡杳一絲呼童理歸棹月  
光長相隨

晴步次輝弟韻

宿雨乍開晴層巒呈寸碧策杖隨所之東郊與

西陌滿引紫霞觴暫卸青蕩笠忽見海棠花依  
然帶紅濕

竹屋爲甘欽采秋官尊翁題

結構傍廛市所居雜喧嘩雕甍連畫棟疊疊皆  
紛奢何人數椽與俗異座接此君引高致半窗  
明月鸞尾低滿地東風墨華醉有時靜坐探古  
書鏗鏗玉珮搖瓊琚倏然雲散天宇靜篔簹蠨  
谷俱何如先生自是世高士眼視功名如脫屣  
直將高節抗浮雲鼇竿一截傳諸子仲也才能

歷代詩選 明陳德英  
貫百川闡揚翁業歸詩篇我疑此翁結此屋無  
乃溪邊之六逸與夫林間之七賢

漫書

蘊玉斲鼠均名璞月旦車旃同一朔世間萬事  
自有真毛遂曾參亦誤人君不見江頭昨夜風  
塵起只尺不辨冠與履幾家奔走聲嘈嘈漁翁  
牢把孤舟艤十日陰雲倏爾開依舊青山如畫  
裏

題買臣負薪圖

海邦六月煩暑逼石床晝卧紛華息清風颯颯  
自南來恍然如入華胥國初醒頓覺日半斜簷  
頭幾陣蜂將衙朗吟老子五千字漫酌盧生七  
椀茶敲門忽見東谿氏手持一幅鶩溪紙云是  
晴沙遠遺之分明貌出朱翁子憶昔登登伐木  
時行歌道路聲嗚噫豈徒不入駟僮眼何當更  
被糟糠啜五十功名未遲暮錦衣烜赫人如故  
誰知此日除道夫却配當年棄夫婦朱顏闇淡  
應無光後車同載空徬徨丈夫出處自有數悔



歷代詩選 卷之四 十一  
把溪恩一日忘披圖誰不增感慨嗟彼女流何  
足怪不見翟公門下客一貧一富知交態

和顧東江禮侍韻贈錫山王生衛

浮榮不直一敝帚雲雨區區翻覆手羨君棄置  
若等閑飄然六合爲扁牖二王筆法本天成故  
家文物垂芳名遠來爲寫瀧岡表海內深情及  
死生

信筆

道人所居不盈尺靜裏滿懷春拍拍插架時翻

斷簡青開窗忽見遙岑碧狂風捲雨妨農工馳  
馬驅車酣客奕一笑那知兩鬢蓬詩成便把櫛  
皮擘

和輝弟夕佳亭歌

隻幅蒲帆廻宦海蟬冕浮名陋華彩小亭兀坐  
幾忘年萬斛紅塵難我挽安身寧有不龜手善  
藏能免負山走何如引酌欵斜暉信步岡前與  
岡後東陽旨酒時一中細烹苦茗邀王濛渴殮  
淵明之菊露清愛弘景之松風遙憶霄漢諸故

人落落倏若參與辰圖形爭列雲臺上荷釣誰  
來渭溪濱六六灣頭虛半席滿擬歸期從太液  
知子久擅三都才蹇余曾作四明客寄興先馳  
尺素書珊瑚照耀荒松居層霞映樹巧布置落  
葉盈階勤掃除爾今元亦爲親屈報國丹心須  
蚤出好將勛業踵前脩用慰林巒此長日

感懷

終歲長爲客孤懷不耐秋砧聲高復下雁影去  
還畱水濶煙光淡花深暑氣收故人今萬里誰

與話綢繆

玉峰爲韓秀夫駕部題

借榻紅塵外名山入興濃春風明錦繡晴雪鎖  
芙蓉眼界渾空晉聲華已亢宗起來作霖雨猿  
鶴記行蹤

豐樂亭次少司成郭价夫先生韻

年去民多疚于今歲甫登乘時開勝境掃榻待  
良朋遠嶼煙光杳長空浩氣凌追遊應有記薄  
劣愧無能

夜坐用謝應德僉憲韻兼柬侯世卿少叅  
夜靜天如洗時聞蟋蟀鳴朋簪追舊雨客路賞  
新晴看劒懷偏壯爭棊氣未平小山松桂晚何  
處可忘情

除夜宿常山察院

鄉關將只尺歸計尚遷延楮燭燃殘夜屠蘇憶  
少年東山高卧處楚澤卜居篇此意何人會臨  
風仰昔賢

新正積雨連旬依韻答輝弟

彌雨旬過半柴門午未開光慳銀海眩醉窄玉  
山頽美景孤春至新詩入夢來陰晴亦何事浪  
向鶉鴝倩

姚江舟次遣懷

凍雨寒雲歲月奔扁舟去去又黃昏隔江梅綻  
知生意近海潮平沒燒痕訟獄無情猶可訊閭  
閻多病不堪論蹇予趨走嗟何補剛免傷人議  
素餐

新春感懷用方純吉韻

獨愧無才負衮衣海邦今日且栖遲乍看細雨  
霏微處正是春風發育時瘦比沈郎空握帶愁  
如杜老只耽詩閒居一室無餘物琴調清新劔  
陸離

宿大善寺

祇園深處暫停車壞壁頽垣不掩廬風約鐘聲  
僧定後月翻松影鶴來初禪宗于我雖非偶世  
味從今亦漸疎欲向蓬萊訪陳迹梅谿風韻更  
誰如

宿普濟寺

車馬塵中未息肩招提清境且安眠鼓聲雞犬  
斷橋外十里桑麻古道邊南渡衣冠遺舊迹西  
湖風月憶當年老僧解說興亡事不啻南枝斗  
杜鵑

四時宮詞次楊名父考功韻

芰荷池畔雨纔收羞見紅妝照碧流紈扇有詩  
題舊恨紗厨無夢感新愁蜻蜓點水情偏適蛺  
蝶穿花意自由向晚好風來別院是誰歡笑擘

筮篔

過觀海

萋爾孤城試一臨東郊西陌故鄉音魚鹽以外  
生涯少山水之間趣味澁花竹四時堪作障煙  
嵐終日自成陰天教少住非無意要識當年觀  
海心

龍頭場午憩

院落澁澁午漏遲松花香拂柳風吹青山蔽戶  
晝長暝野鳥當窗時獻奇滿眼簿書空汗漫一

年春事又離披乾坤俯仰無窮意併入孤懷幾  
首詩

秋夜感懷

簿書叢裏歲華淹且放餘情上兔尖鴻雁忽將  
秋色至軒窗時見晚涼添望迷紅樹家千里立  
盡青霄月一簾但把行藏參易理卜居何用遠  
求詹

詠竹次王誕敷年兄韻

公署居閒每見君賞心竟日敢辭勤謾隨凡卉

爭春色高出層霄遠世羣鳳尾月斜金鎖碎龍  
孫雨過玉繽紛勝遊莫作尋常計細刻從教書  
八分

太平堤禱咏次王半谿韻

塵海微茫盡轉蓬人生何事苦匆匆獨憐無限  
參商地都在幾番煙雨中樹隱樓臺吟望遠山  
圍村郭往來通清時且作偷閒計萬事悠悠付  
化工

年來祿食愧曹司疋馬朝朝暮暮時未老乾坤

還有待多情鷗鷺謾相疑熟思吏隱真奇事敢  
說山靈是故知何處落花隨雨點也應催我送  
春詩

提憲廳夜坐

官齋人靜報更嚴落落閒懷夜更添千里庭闈  
憑夢到萬金家信託燈占几材已負明時選病  
骨還資識者砒記得去年吟望處半輪寒月又  
湘簾

次楊恒叔先生遊清涼寺韻

雲擁僧房紫翠間當年飛錫幾時還層巒每到  
秋偏好塵鞅不隨心共閒爽酌欲將詩句解多  
情猶有夢魂關知君張弛無窮意肯學淮南賦  
小山

寄吳秋官德翼同年

同榜聯官道義存輸君高卧白雲村情深欲就  
湖山遠夢醒猶聞笑語溫對客雨餘頻剪韭娛  
親堂背贖栽萱扁舟時傍吳歌晚一段清風孰  
與論

甲戌十月五日午餉告乏薄暮庫部分到

俸錢亟易之市始克舉炊詩發一笑

坐對空齋細雨頻強呼清茗漱隘身九年竊祿  
應多愧一午無炊未當貧聞說真卿曾寫帖笑  
渠季路漫生嗔可人庫部時分俸八口還沾此  
施均

送陳岳克厚歸瓊河

鍾山高高淮水深客鄉無日不登臨寒風忽起  
故園念征帆便挂長江心浮生萍梗本無定此

歷代詩選 卷之四 送李守訥致仕南歸詩  
夜樽酒還同斟驪歌一曲不忍聽飛鳥吾猶戀  
舊林

送李守訥致仕南歸詩

長江五月薰風起一舸飄然白下歸解組獨先  
能覺是行年猶未及知非齊竿自古難迎合周  
易從今好發揮料得海鷗相慰藉等閑何事復  
驚飛

曉將封事達承明楊子江干夕問程自是庭闈  
關念切故于軒冕繫情輕鋪張行色憑詩卷驅

逐離愁仗酒兵看取百年公論在先生未許獨  
逃名

再會用宋人韻一首

四十辭榮誇若水百年高致又逢君旗亭此日  
攀新柳尊酒他時憶暮雲眼底風波應自笑胸  
中丘壑許誰分陶然和就歸來賦贏得清名到  
處聞

九月十二日登悠然亭闡韻

一別西山歲十更危亭偶爾敘宗盟已過九日



歷代詩選 卷之四  
猶無菊恰有方田又種秔笑語風生吹鬢髮輪  
羸變出付棋枰酒酣不覺歸途晚隱隱松梢月  
漏明

過常山

崎嶇客路且隨緣眼底何人得靜便五日行過  
三省地殘冬喜遇早春天葉稀老樹猶藏寺茅  
滿平沙未作田幾向南陲重延佇兩峰晴聳白  
雲連

遊金山

山于江半見高稜雨過煙銷快一登處士詩成  
容可再長公帶施更誰曾情歡老衲三生話步  
倩仙翁九節藤遙憶金陵遊樂地暮天雲樹渺  
層層

遊焦山

奮立長疑北海鵬滌天波浪覺軒騰當年人借  
林泉隱千古山從姓氏稱瘞鶴銘存渾莫辨吸  
江亭敞尚堪凭茲遊已愜平生願况復禪叅最  
上乘

九日登將就亭

年來雅興在秋山說着登山便解顏撫景可堪  
逢九日庇身何必更千間欺風白帽頻頻整待  
雨黃花故故慳不是羽書初罷警相從那得有  
餘閒

謝倣成先生遠惠酒罇諸物

松陰桂影四週遭客在南樓睡正牢窗外忽聞  
聲剝啄書中深感意勤勞剖開陶氏不如蠶滿  
飲周郎自醉醪三復高情無以報臨風聊爲一

揮毫

雨憩福海庵

茲來豈是悅禪機爲愛幽居聳翠微逕滑雨深  
行不得秋高風急送將歸蓮花舊白樽應倒柿  
葉初黃筆可揮愧我才非山谷調能將斯地重  
摩圍

重遊福海庵

掃壁題詩記我曾恍驚春去又重登雲迷生客  
山藏寺雨妬明農水拍塍白氎巾輕閒欲試烏

皮几穩懶堪凭一樽是處成幽賞謾說瑤臺十  
二層

寄題楊恒叔陶園

涼颼何處透重袍翁與山靈兩共高老去不妨  
耽逕菊客來時或薦溪毛清風尚友嚴陵瀨長  
日惟吟屈子騷門外紅塵深幾許先生醉卧樂  
陶陶

遊九鯉湖

疊嶂重林路轉紆天然勝槩壯蓬壺珠簾高捲

灘聲迥石戶長扃月色孤夢蝶客醒香滿篆化  
龍魚去藻彌湖何當乞取刀圭賜銷此憂時第  
一迂

四疊韻遣興兼與德仕弟

萬事悠悠託化工揮絃極目送歸鴻斷無愁髮  
三千丈那有閒情十八公蒼狗白衣從變幻清  
風明月任牢籠殷勤不盡思親意夜半推蓬語  
阿同

冬湖亭爲江國珍冬官賦

如舟亭構俯空壕嘯咏端無負水曹山色隨陽  
排闥蚤波光浮月上簾高儘教魚鳥欣相託何  
但賓朋識所遭謾把西湖輕較量主人襟度渺  
雲濤

題趙千戶嵩西庄用壁間韻

嫩柳微波夾路明一亭容與課深耕閒中隱几  
有餘地醉裏凭欄無限情花氣暖催春日轉山  
光遙帶暮雲平整弧本是承傳物其奈林泉宿  
共盟

龍潭

高皇曾此駐龍旌一掬靈湫遂有名雲遶重巖  
朝作陣風生古栢夜傳聲爲霖已副當時望報  
祀長懸後代情聖德不刊神力護萬方何幸際  
昇平

琅琊寺

此山幽勝武陵源不徑深藏別有村篆石畫巖  
猶墨跡迴廊寢殿但苔痕謾勞往事懷千載且  
與浮生共一樽混世也知隨地得伐檀能不愧

殊恩

送童用中之荊州

大江南泛渺雲平樽酒難消此日情一笑天涯  
殊去住三春物色半陰晴尚書家世元無忝太  
僕才華蚤有名莫訝高懷拋不得琅琊山水亦  
蓬瀛

得告寫懷

再疏殷勤瀝悃誠九重恩許促歸程豈緣蒲柳  
先秋慮欲盡庭闈愛日情天濶謾疑飛鳥倦月  
明偏照去舟輕難忘最是滁西澗猶記黃鸝三  
兩聲

元夜與魯翁對話

京國勞勞汗漫身又從岐路度王春最憐孤館  
青燈夜遙憶高堂白髮親池草不妨詩夢繞盤  
椒寧惜頌聲頻江南勝槩真如畫觸處梅花照  
眼新

新正久不至沙上園詩以寄興

歸來無日不窺園何事春初獨掩門每爲雨師

兼酒債却孤山郭與沙村疎林迸玉儲新刻曲  
水流花漲舊痕欲假天公放晴霽杖藜徐步武  
陵源

夏至日雨中遊園

時當夏至不聞雷剩有霏霏雨熟梅旋摘園茶  
烹石鼎滿斟泉水滌山罍雲橫遠嶼形如畫風  
送啼猿響若孩怪底筆端多窘澀由來萬卷未  
淹該

登石竹巖

尋真曾向鯉湖遊十二珠簾翠欲流此日輜車  
過石竹千年勝槩壯丹丘層厓雲染四時紫古  
洞風生六月幽猶有浮名驅未得刀圭未識肯  
分不

送淺齋郭憲副進表之京

烏府先生擁使旌玉函馳獻片帆輕灘聲入夜  
懷增壯樹色經秋眼倍明紅日喜瞻雙鳳闕白  
雲遙指萬安城莫因家慶頻留戀還慰南閩佇  
望情

寄諸弟姪詩

科第寥寥廿七年客鄉長望好音傳竹林此際  
成愁絕池草當時有夢牽對酒強歌青玉案因  
風嬾寄白雲箋也知人衆回天定珍重來賢好  
勉旃

雁門關追次何椒丘文肅公韻

山川無改舊名關悵望椒丘未可攀鳥道斜連  
青嶂外羽旗遙映白雲間僧鐘入夜聲逾壯戍  
馬經秋色更斑誰說君門遠千里天威只尺不

違顏

不才迂踈貽厥辜戾蒙恩放歸曷勝感激

詩以自慰春功有懷至是始副故及之

聖恩寬厚許歸田恰是嚴君謝事年此日此身  
方屬我時行時止總由天雲閒自合深山卧樗  
散徒勞大匠憐賸得居人猶戀戀夕陽回照有  
餘妍

高尚爲徐松峰都閩題

將軍曉起拂征鞍滿道榕陰夾荔丹金甲早銷

春事足朱旗曾閃斗光寒輕裘緩帶歸田樂急  
雨顛風行路難只恐九重思頗牧青山未許夢  
魂安

九曲清遊

久欲逃名未得逃方將蹤跡寄亭臯緣林詰曲  
寧嫌遠有杖支持不厭勞薄霧盈疇封逕窄清  
風隨步陟山高武夷九曲尤堪翫細咏遺歌散  
鬱陶

送人之湖南分得洞庭遙憶

南湖煙樹遠依依百尺欄干倚落暉鐵笛一聲  
人不見茫茫秋水片帆歸

題雁

風搖蘆葦碧穆穆寒影高低掃暮嵐最是月明  
秋夜永數聲先我到江南

題翎毛

千葉桃花碧映堤幽禽斜傍一枝低却憐春亦  
年年別故向遊人着意啼

鯉湖



我愛何仙好弟兄丹成丘壑盡知名上方亦有  
連床會萬瀑長含風雨聲



陳學性

黃青家

藏書齋

肥南高氏

珍藏余曰

書畫山園



國家圖書館 NATIONAL CENTRAL LIBRARY TAIWAN R.O.C

石倉十二代詩選

明次集卷七

孝友堂世稿

後學曹學佺閱


張濬

字文哲閩縣人天順三年鄉舉仕至饒平尹別號畏齋因名其集

次鄭司訓詠盆池白蓮韻

石盆數枝蓮皎皎冰玉宇對之若鉅儒臨風蕭  
簪屨於焉湛性靈謝絕浮塵慮幽香落酒杯雅  
韻生詩句月照盆水寒誰識花中趣

送茅齋弟同賦風雨連牀



歷代詩選 卷之十  
風雨蒲城縣連牀兩弟兄呼兒剪孤燭坐聽難  
爲情夜長風雨何淒切蕉葉梧枝響欲折百千  
里外憶鄉園三十年來話離別迎雲樓中童非  
時重簷花落夜眠遲共被笑言踏裏裂起來展  
冊爭吾伊秋風聯袂遊京闕回望鐘山入寧國  
敲篷悶對曉翻江催詩靜看寒成雪嶺之南浙  
之東蒼梧望湘水浮萍無定蹤漁火平洲沙漠  
漠征鞍山店樹濛濛瞻雲時得還家約棠棣亭  
臺春灼灼遲遲下虛簾沈沈動清酌歡娛不抵

別愁多強半年光客裏過消得幾番風雨夜少  
年豪氣渾消磨今夕復何夕饒山對岑寂樽酒  
飲不成相看心戚戚子近四十六我踰四十七  
讀書尚古人于世曾何益而今華髮已墮顛爲  
忠爲孝事茫然文希班馬蠡測海道幾周孔階  
升天功名不足昭先哲福慶無由垂後澤北堂  
日影在桑榆爲謁精誠奉顏色言之累百莫盡  
懷四簷風雨還復來竹爐火活新茶熟譙門鼓  
絕殘更催強將巾櫛肅儀觀霽日看看上霄漢

歷代詩選 卷之二十一  
官貧何以贈君歸惟有詩篇滿行擔鄉園到日  
喜忡忡我自寒山守歲窮若是明朝更風雨能  
令我作白頭翁

秋夜詞

松亭涓滴露華清月中兩兩鸞簫鳴聞來縹緲  
亦堪愛不是儂家絃上聲西風吟冷羅衣裳銀  
缸明滅歸洞房依稀夢逐仙舟去聽得歌聲繞  
拒霜

早發雪川

湖白煙光遠山陰月色蒼雞聲隱深樹雁夢落  
清霜羈思縈孤棹行期念故鄉依稀見亭館天  
際晃朝陽

玩新竹

澹月虛窗曉焚香理素琴清泠仙佩下天矯瑞  
鸞吟雨淨枝枝玉風迴片片金相思人不見苔  
上拾瑤簪

到四會

今識綏州地孤城瞰海腰人家盡編竹村巷半

歷代詩選 卷之七  
我蕉墟市三朝貨畚田八峒  
猺喜聞周茂叔遺  
祀在山椒

小樓對月寄廷瑞

樓居梧竹上風細月娟娟  
好景憐今夕佳遊憶  
往年流光銷綠髮舊業負青氈  
忽聽鶯枝鵲幽  
懷倍黯然

青鸞孤影

失却朝陽伴幽棲祇自憐  
露寒凋翠羽風慘落  
金鈿無復毳毼舞空餘  
憔悴眠縱令化鶴血不

續舊琴絃

夏晝

當軒嘉樹午拂幙好風涼  
石几龍涎細磁瓶鳳  
爪香撥詩題扇紙試譜解琴囊  
底事巢簷燕飛  
飛上下忙

見孤雁

雲海棲遲樂何堪又自鳴  
一天星月夜兩地弟  
兄情松葉山廬靜蘆花水舫輕  
相看成昨夢惆  
悵若爲平

歷代詩選 明 張氏世高  
訪敬所出山留別

嘉會幾三日離情更一杯好山看未徧閒客去  
還來素壁留詩草清風贈隴梅海天今夜月相  
對若爲懷

輓海州林學士

吾道人千載空山草一丘無書上封禪有子紹  
箕裘高館芸香老踈簾鶴影秋清風不可邇雲  
樹暝悠悠

舟中

萬事數杯酒百年終日歡移舟白石渡着屐蒼  
煙巒秋色連空碧潮聲入夜寒客懷轉無賴俯  
仰一長歎

江上

自慚踈拙甚十載誤朝簪欲向江湖去難忘雨  
露深逢人無白眼報國有丹心多病愁偏絕樽  
前任淺斟

五王遊春圖爲朱揮使廣題

繁華池館艷陽天鸞鳳笙歌列綺筵金塢日融

花對笑玉欄風暖柳貪眠內家長是三千歲小  
酌休論幾萬錢歸騎莫貪鷹犬樂桑麻陌上盡  
春田

進香之京別文範文明弟

思親長起望雲愁遊子今朝更遠遊鄉思一天  
闕海月羈心兩地潞河舟黃裯被冷分書幌青  
草詩成付酒甌出告已題封札在雁來瀕寄故  
園秋

綏城北戰士枯骨如莽予收而瘞之誌以

此詩

白骨縱橫野水濱寒煙宿莽夜飛燐驚心鋒鏑  
生前事埋骨風霜死後身子子遊魂母作厲皇  
皇掩骼豈須春居人莫損封丘土百歲一坏應  
與隣

懷劉水部

咫尺天台萬里脩桃花流水爲誰畱望邊雁影  
青山暮吟裏風聲碧樹秋好憶西湖歸放鶴休  
因七夕恨牽牛棚陰一斗松香酒不換長安萬

戶侯

劉水部臨別索詩不成別後寄此

寥落正當多病後心知又是遠行時縱教強飲  
難成醉勿訝臨岐不賦詩風雨孤舟人去遠雲  
山千里雁來遲依稀博得西窗夢幾度松亭對  
酒卮

過彭澤縣謁陶先生祠

五柳成陰落日遲百年祠廟大江湄若論作宰  
乍來意肯緩休官歸去期典午之間無舊業義

皇以上有新詩浮雲蹤跡寧無愧聖治今非處  
士時

輓新安吳處士

瀟灑林泉八十翁清名落落滿江東碧梧枝老  
琴牀月白藕花寒釣艇風舊社綺黃聯隱牒新  
盟秦晉託儒宗那堪白嶽牛眠地煙樹長封一  
畝宮

登黃鶴樓

醉眸空澗楚天清獨倚危樓覽物情江引巴渝



歸渤澥山延廬岳入荆衡何年笙鶴雙僊會萬  
頃煙波兩岫城赤壁烏林總陳迹臨風懷抱若  
爲平

黃竹樓登眺有懷南雍三進士

江上危城城上樓沅湘東下水悠悠微茫見雁  
青山暮落莫懷人碧樹秋碣石有文留勝槩壺  
觴無客續佳遊廟廊萬里江湖晚四十年來半  
白頭

秋夜同應先生宴葉生胚挹翠樓

海上羣峰指顧中晴霄拄笏萃文雄小窗月色  
通松逕虛幙煙光護竹叢五夜流虹生硯石半  
窗靈籟落絲桐酒醒徙倚危欄上江漢茫茫思  
不窮

黃田午泊

行舟暫艤港頭沙清夢依稀又到家正好承歡  
忽驚覺數聲溪鳥掠蘆花

題畫蘭

翠袖衝寒暮倚樓高山流水思悠悠玉人何處

空遺珮月落滄江一笛秋

題畫石

授簡何年訪穀城叱羊無地覓初平曾如艤棹  
瀟湘晚水落空江山月明

寄應復軒先生

先生家在鏡川東古木衡門一逕通不省海棠  
開幾許欲携樽酒問春風

效唐人宮詞

金箔微開掃玉牀離宮瞰水竹風涼月華滿地

笙歌沸未信今宵更漏長

題商山四皓圖

誰道雲山歸路荒但聞軒冕世情忘悠悠出處  
渾難省奇策安劉付子房

晚酌朗吟亭有懷陳德衡

朗吟亭上酒樽深風月娟娟愜賞心爲憶元龍  
湖海士何由共此朗然吟

早春

細柳纔黃嫩未絲已知春色到踈枝殷勤折贈

行人別莫待秋風日夜吹

張天顯

字敬中別號吳所畏齋公之子弘治辛酉舉人仕至大寧都司教授鄭少谷先生其門人也

謁南山祖塋

陽春動地來芳原利幽涉梅花霧中奇烏弄風  
前傑感我雨露懷杯醪灌松葉再拜欲敷言山  
青澗泉列

登高分得留字

歲功成萬寶灝氣澄三秋茲晨值陽九漫作龍

山遊仰翰天宇寬俯瞰長溪流悠然起松風蜚  
露沾衣綢拂石坐苔花長嘯山泉幽興懷千古  
人駕逸不可求夕陽送鴉翼翠靄生林丘主人  
殊愛客折菊分詩籌狂嘯震岩谷岍嶂謝靈脩  
薄言歸路晚衣帶餘暉留

訪葉隱君山庄

偶訪雙溪潄坐嘯雙溪屋主人愛客情累日歡  
不足林禽送好音野樹呈芳馥杯傳豐市醅盤  
列春山蕨何當蘭桂懷冠冕忘拘束香檀風外

歷代詩選 明別以  
敲潦倒霓裳曲樂極自忘形起向澄潭浴天風  
兩腋生瀟灑出亭毒天隨空五湖康樂閒千谷  
人生能幾何常對樽中醪

聞鷓鴣示鄭繼之

行不得哥哥啼得寒煙漲碧莎楚澤幾風侵枕  
簞江州一雨濕衣羅滿山松桂寧無穴萬里乾  
坤漫有囿詩瘦不禁愁徹骨傷蓬搔首思如何

行路難

太行之道出關西荆厓棘棧跨虹霓行人失勢

摧輪轂顛崖絕坂難攀躋鳥聲相喚行不得草  
雲黯淡無顏色道逢黠旅坐相談對面危機眇  
難測

又

吳城夜發寒山鐘牙檣銅鼓鳴天風挑燈拽纜  
百夫擁愁殺孤舟寄激東激東漁父向客道紛  
紛勢力一時好君不見東門黃犬無人牽市上  
屠沽笑絕倒

溪樓感興

水面無雲島嶼浮却疑鸚鵡有南洲驚濤濯彩  
明星落急管入樓靈籟周萬里江湖憐病骨一  
天風物覺深秋倚欄莫作悲歌曲溪上漁郎也  
解謳

浦城登陸路

建水西頭艤客槎驅車山徑鳥邊斜青嵐樹杪  
看朝爨夕照城墻隱暮笳野色依稀垂帶草禽  
聲高下落岩花解鞍爲買壚頭酒坐對雲山興  
未賒

過嚴陵祠

白水人收赤伏符先勞物色索賢書暫休男子  
澤中釣又駕狂奴館下車逐鹿臺前無鼎俎富  
春山裏有犁鋤祇今風寢孤松樹猶似當年舛  
睡餘

寄謝姑蘇顧朝列

舟泊吳門百尺樓樓頭雲物爲君畱香風遶座  
芰荷滿涼雨入簾林麓幽庾亮雅懷非憚老陶  
潛有子更何求離杯莫動陽關唱久客江湖不

歷代詩選 明辨其本  
任愁

寄葉懷麓先生

夢入衡陽第幾峰  
蠻煙又隔海天東  
枕柳雨後  
枝枝綠荔子  
風晴的的紅  
案牘不勞鷗  
近榻吟  
樽有約月當櫳  
臺江卷起香山社  
便應淵明菊  
數叢

溪行見萱花草

鵲觜風和露  
葉柔多情相對更  
忘憂  
雲山萬里  
頻回首  
一片征衣百線愁

題小景

東風送雨入青原  
一片花飛一片雲  
中有幽人  
懷獨達  
楚蘭歌徹許誰聞

張元秩

字經世 吳所公之子也 鄉舉 仕至寧波府通判 別號恒谷

少婦行送王遵岩左遷

攬衣望明河  
玉繩低回光盤拏  
青松枝白鶴來  
翱翔妾夫自年少  
意氣凌蒼茫  
朝飲射洪爐  
暮宿紫雲牀  
白馬赤茸鞞  
陌上何輝揚  
妾本名家女  
不解時世妝  
羅衣白玉珮  
素質瑞麟香  
機頭

工織素一日二尺強欲採園中葉婦人不下堂  
欲採陌上樹原蠶禁桑桑夫心凌風葉向背苦  
不常棄置在色衰妾已悲年荒征鴻報霜後四  
壁鳴寒蠶婦人自有分料理夫衣裳

掃雪行

長安雪花如掌大朝回騎馬花爲蓋玉宇瓊樓  
高更寒荒原敗屋情何賴日暮天低酒旆愁雪  
煎一椀欺公侯表安閉戶胡爲爾戶外紛紛埋  
馬耳市兒執箒除道忙吁嗟爾腹朝無糧朝無  
糧勿復語爾不聞關西將士凍欲死

西湖放歌行

西湖水清清見底浪暖沙暄雁雙起雁飛不落  
稻梁田弋人慕爾徒紛然賈生磊落美少年才  
如羽箭乘風前長沙宣室淚濺濺何如樂聖稱  
世賢爾衡之才能擊鼓屈子思歸作漁父虔州  
酒稅名不虛至今文彩生圖書深淵大澤藏龍  
魚西郊雲密將何如西湖水清蘆葉踈胡不漉  
此芙蓉渠蠙珠或有當前車夜光不發空爾思

冬日遊海印寺

新寒凌翠袖散步入禪叢  
海印何年寺輝煌紫  
陌中煙分兩岍澗霜滑一橋通  
可是浮圖麗玲  
玲倚太空

李雲岡

憐爾雲岡子飄然思若仙  
春風黃憲渡夜月子  
陵船畱滯江湖遠  
春書夢寐牽京華  
虛木榻遲  
爾未教懸

送雲泉嵩南一子歸閩

秋水下蘆溝芙蓉對晚愁  
夕陽共仙嶽  
秋色  
京樓結綠黃金榭  
驕白玉鈎風塵迷驛路  
嗟  
莫暗中投

出郭

出郭聊行樂閒情轉自悲  
風霜驚歲晏客鬢尚  
天涯老穉迎暄立  
田園啄雀飢歸來掩書卷  
兀  
坐意遲遲

聞笛用北峰韻

笳曲傳胡塞流商悲至今  
鍾情滄淚滿別恨歲



華深謾按雌雄節誰傳子午音西風怨楊柳搖  
落客邊心

讀騷

此懷長不寐持以問乾坤銀漢無孤棹神龍有  
九闈詩書終發冢戎馬未開門永夜歌漁父難  
招楚客魂

雨爽范菁山官舍

衝泥到官舍聽雨理楸枰踈懶機關少縱橫白  
黑生花溝流水急草屋敗垣驚鴻鴻雙雙下知

渠眼獨明

新晴與象庠諸生論學

採芹盤澗曲瀟灑客衣單雨淨潮翻白梅踈山  
更丹詩歌鏗玉磬禮樂話金鑾幸與官滄海同  
君一食簞

秦陵陪祀

鼎湖雲遶竟難攀陵寢巍巍霄漢間玉匣光收  
龍虎氣瓊欄斜倚竹梧斑中興猶落蒼生淚物  
候應悲 聖主顏陪祀儒臣哀獨壯蕭蕭風露

下西山

孔庭古松

怪特孤松倚殿前  
風霜歷盡不知年  
寒聲瑟瑟喧秋夜  
古色蒼蒼照暮煙  
勁氣在天元不老歲  
寒得此尚依然  
人間草木爭奇縟  
憐爾光華俎豆邊

武侯原孝襲爵歸嚴書贈

碧溪溪上今風雨  
宿草難忘夢寐間  
獨傍雲霄看玉樹  
依然神表立金山  
花明虎帳新生色  
日

暖胡塵亦滿關  
好伴青春敦禮樂  
漢臣名實重樓蘭

輓李鶴軒

白虎闈中羨阿郎  
歸囊忽爾思徬徨  
愁聞逸叟玄裳鶴  
已駕仙家碧玉房  
永夜月明舟壑靜  
空山雨冷竹蹊荒  
少微星落講筵卧  
寂莫煙雲鄭老鄉

和玉晴川卽事

朝廷本意備諸戎  
鐵騎長戈控大同  
豈爲棘門

成禍首翻然輦鼓動雲中閭閻日暮風煙慘  
頓天寒劔戟通聞道總戎蛇烏陣列營祇在代  
西東

贈王伍二同寅陪祀

武皇陵寢接雲城瞻掃真懸雨露情長憶六龍  
回紫極猶餘八駿繫朱纓孤高陰殿含秋色想  
像神威動遠征宦孽已誅遺詔下百年江漢淚  
縱橫

晨入太學追憶晴川昔遊情景惘然賦此

司直堂階落木陰故情回首淚沾襟清樽開處  
當明月古調看人長道心寂莫獨攤嘉樹傳風  
流誰嗣廣陵琴孤兒寡婦南歸棹萬里寒江煙  
霧深

聞浮峰弟唁予候久不至

報爾辛勤訪老兄炎天七月到神京連牀擬共  
今宵雨短燭猶虛昨夜明已辦霜刀飛鯉鱠更  
分春色倒銀罌北堂喜佇南來目白馬今過第  
幾程

送姚子敬教錫山

巖瀨論文意若仙  
長安笑語共風煙  
忽看此日琴書遠  
未道他年夢寐牽  
泰伯孤城秋樹裏  
東坡小墅太湖邊  
雒文雅節君須振  
北雁南魚謾惘然

翠亭

小亭長日白雲浮  
樹色平臨萬壽洲  
童子近花能弄鶴  
高人垂釣不驚鷗  
松林含月娟娟淨  
竹塢移樽事事幽  
羨爾阿郎能養志  
亭前玉珮韻

脩脩

送方平洲節推廣州便道省覲

輝輝海日白雲城  
萬里寧親共此行  
南國爐嵐明墨綬  
窮荒日月寄書生  
亭開遲翠松筠好  
官近羅浮夢寐清  
旌節人懸如周俗  
陽山兒子總韓名

送蘇雪江任桂林

湘灘流合始安州  
落日千家煙火浮  
天遠星辰聯貫索  
山空雷雨動窮陬  
異魚水漲湖塘月  
金

栗花明楚越秋簡訟只今懷舊俗韓公閉閣合  
深憂

寄鄭沙村

不見平生鄭東谷越南春色動遐思堂齋衾枕  
當深夜霄漢經綸看此時九野雲浮淹遠夢四  
明花發滿寒枝多君愛我真成癖到處逢人說  
項斯

送浮峰弟

西北天高風色寒少微旌旆出長安禰衡才大

能岑服杜老名高合鷓冠春草幾移風雨楊垂  
楊又據別離鞍征衣縫處憐遊子斜日孤雲細  
細看

秋興

山東河道荷戈行聞說滄洲亦募兵守令未遑  
圖保障將軍誰復作干城田疇禾黍悲羣牧天  
漢星辰應列營節鉞急須乘小虜君王西北重  
憂情

七里潭邊繫孤艇幽棲長傍子陵臺潮平風急

魚龍動木落星寒天地哀揚子交情能問字山  
公具眼解憐才勝遊舊事今如此獨夜凭欄聽  
落梅

石門洞口少年過之子青雲共浩歌樂處江山  
惟夢寐舊時風雨竟如何混元獨立招玄鶴甌  
越相携訪白鷺二十餘年一回首秋風蕭颯淚  
滂沱

月夜飲歸全凌王二丈

星月熒熒度禁林長安歸騎共知音天機萬古

馳昏曉薄俗何年謝陸沈縹緲風煙明靜夜支  
離事業愧初心梁園漢苑皆才俊佩玉橫金少  
滯淫

春日同北峰登鏡光閣因訪鐸上人  
不遇  
觀盆中素馨

此日同君登快閣溪山正是放花時故鄉異藥  
驚愁眼終籍農人治遠陂禁苑峰迴瞻日近蘿  
房春靜見僧遲巾鞋幸少泥塗累拄杖穿雲隨  
所之

遊金峩寺

桐梓花繁春事過  
看山中屨入金峩  
飛飛瀑瀉哀嶽切  
渺渺雲征遠岫皤  
短褐溪翁供紫蕨  
長竿穉子浴黃鶩  
今人指點流傳賦  
盧橘柴扉已滅磨

輓王晴川

平生雙眼無長淚  
淚到丹旌眼欲枯  
渺渺江山回獨鶴  
淒淒風雨泣雙雛  
地曹事業青冥上  
司直聲華北斗孤  
後夜思君憶顏色  
半庭寒月在

蒼梧

輓月塘

文星此夜掩寒光  
門巷雲閑草色荒  
秋浦祗應哀落雁  
春堂空復靜琴張  
孤高古道懸山斗  
江海歸雲度渺茫  
賈誼平生懷遠志  
竟將流淚謝君王

石倉十二代詩選

明次集卷七十六

終



國家圖書館, NATIONAL CENTRAL LIBRARY, TAIWAN, R.O.C.

歷代詩選

明史紀事本末



石倉十二代詩選

明次集卷七十七

古直遺稿

大明 壽光劉珩著

後學曹學佺閱

山水圖

老龍夜泛東溟側  
 洶湧西來成劣崩  
 層巒疊嶂護蒼煙  
 浩蕩江湖凝黛色  
 垂流飛瀑交琤琮  
 山光水影含姿容  
 漁艇縱橫遠復近  
 飛鳥滅沒江天空  
 方恨無緣結鷗鷺  
 畫中忽閱滄洲趣  
 頗覺良工獨苦心  
 天機盤礴精毫素  
 憶自渾沌初開

國家圖書館, NATIONAL CENTRAL LIBRARY, TAIWAN, R.O.C.

時乾清坤濁分兩儀其中消息杳難見至今渣滓稱神奇畫工那知此吾儒應自識滾滾浮雲變古今濛濛碧霧生朝夕嘗聞人世有天台又聞仙境有蓬萊赤城霞嶺空崔嵬賣藥老生安在哉百年蹤跡嬰塵埃軒車却畏清猿猜青山綠水應無媒日暮悵望雲裴回安得長風九萬里明月五湖歸去來

題畫

四面芙蓉插天表千歲喬松青正好落花流水

景中人石逕迂紆車馬少茅堂八柱盤空閭瑤窗大敞門不關蠟燭宵然騰絳燄珠簾暮捲對南山南山有月明于鏡主人心事澄波淨回頭看月看不休古月今人那有定月兮遠看如朦朧近看豈異水晶宮我願我心同此月絕無纖翳存胸中

古栢寒泉

徂徠山中有古栢枝柯千尺連雲碧鱗皴偃蹇龍蛇姿孤直深爲人愛惜廬山山頭有鳴泉鳴

珠濺玉白漫漫青天一望在水下浪花洶湧玻  
璃寒栢兮泉兮何清潔崑花澗草難同列眼前  
此景非人世雅稱中宵對明月

三老圖

此石有古意此泉無新聲此松生來已千歲歲  
寒三老同爲盟我昔西上崑崙頂濯足滄浪千  
萬頃東看秦嶺五大夫枯枝亂走蒼虬影歸來  
貌作三老圖生納一幅雲模糊有時挂向素壁  
上胸中一點塵氛無

紅梅圖

天生本是冰霜姿縞衣不受纖塵縉何事東君  
厭清素一宵幻出珊瑚枝園林陡覺春意別千  
株萬株飛紅雪莫憐醉骨已如泥要使丹心常  
似鐵

騎牛圖

三月山城雨初霽林木陰森足人意萋萋芳草  
高原中溶溶流水蒼苔際而此遊者屬何人蒲  
山公子龍蛇身漢朝四百年間事黃牛背上書

聲頻聞來一鞭擊牛角懷抱紛紛常作惡東都  
有策萬言多大事難成終落莫我觀自古大丈夫  
遺臭流芳真兩途乃若元邃深可歎千秋徒  
把青編汗

四皓圖

層巒萬仞高如矗雙玉泠泠瀉寒瀑長松不改  
四時青瑤草琪花競芬馥憶從辭家避祖龍崑  
前歲月隨冥鴻山童已報花成實仙籙未啓雲  
爲封枯糞三百勢難測一著全羸歸羽翼喚醒  
當天老赤虬坐令四海噓炎德

山水圖

東臯東望山嶙峋山頭霞綵明朝曛鷺鷥數箇  
白如雪點破空青萬頃雲重重綠樹波光裏波  
光浩渺過彭蠡中流一棹者何人蒼茫似畏西  
風起點簡舟中舊所藏莫教墮落風濤鄉風濤  
初不在平地斯人回首何遑遑我皇聖德齊  
天壤太平治化元無象來往登山航水人萬里  
安行如席上

畫鴿

畫漏沈沈下高閣簷簷半畝香雲合太湖石畔  
水澄澄滿貯金盆浴飛鴿鴿性由來最易馴羽  
毛鮮好堪怡人雪翎烏尾錦作背畫工畫此何  
太真記得當時王相會一放一祝三千歲繫足  
能傳子壽書入懷那解司徒貴一朝賈客便生  
涯盤旋隨上滄溟槎任教年來復年去萬里還  
歸舊主家

山水畫

層巒疊嶂高嶙峋青溪碧澗波粼粼  
不知數市廛隔斷無纖塵迢迢有客泛孤舫一  
葦凌空放雙槳儼如仙子御風行煙霧中間互  
相訪依稀疑是終南山坐者揖者咸衣冠採藥  
每將巾舄濕共談那解天壤寬是誰好事留斯  
跡安得其間一棲息瞻彼春空一片雲爲霖有  
意人難識

大魚圖

長風海崢嶸立百川如沸天吳泣赤鯉橫霜

怒浪掀三十六鱗當水擊揚鬣鼓鬣關鴻濛凡  
介常鱗應伏匿乾坤浩蕩古今浮煙雲只尺風  
雷夕葛陂竹化事無憑豐壤劔沈人已昔琴高  
跨背亦渺茫子英騎角空騰躑何如錦鱗三月  
春桃花浪暖迷雲津天下蒼生望霖雨一朝變  
化蘇呻吟

文會軒

三槐後裔皇家客瀟灑襟懷美風格生平雅好  
殊尋常不向繁華尚清白禁城東面都衢西高

居大廈連雲低就中一軒號文會子史經書羅  
四圍明窗淨几絕塵俗竒花異卉堪娛目五侯  
七貴追逐來學士先生常覓宿酒肴羅列開綺  
筵瀾論高談無後先不知方來千載下不知盤  
古羲皇前歌詩翰墨成淵藪篆籀鳥跡雜科斗  
鍾王筆法鬼神驚晉唐繪事無不有東君坐卧  
不此移朝回退食無閒時歌罷鳥鳴歌麗澤芝  
蘭誼重芳名馳我居黃扉密勿處可憐此會未  
得預張良范蠡笑人癡行應叅透黃梁趣

竹

自古高人偏愛竹常向軒前看未足眉山蘇子  
筆如神洋州老可曾相熟東畧藩垣有卯君等  
閒濡染生煙雲儼然如到嶰谷上金刀截斷蒼  
蒼紋莫說淇園春雨霽此君在在增佳致帝子  
啼痕色尚斑丹陽徑造留深意三更月上照寒  
陰孤稍化出虬龍吟世間草木敢相抗直節清  
風照古今

大韶山水圖

江南之山倚南斗根據蜿蜒幾千畝懸崖峭壁  
重復重若坐若立還若走江南之水環南都洶  
湧周迴爲具區包天括地深無極雲帆雪浪相  
縈紆水流山峙多清氣鍾出高人自拔萃平生  
愛住山水間養高不爲形骸累崑前空翠飛濛  
濛小橋不與周逵通房櫳半出長林外人聲多  
在雲煙中好景靜觀皆自得著書老却龍鱗栢  
昨夜虹光射斗牛山靈放出文章伯獻策御前  
誇第一詞林更轉春坊秩莫將山水匿胸中普

歷代詩選 明齋文集  
施霖雨蒼生筆

太常簿劉明遠山水

奉常司幕吾宗喬愛水愛山兼愛字手持一幅  
鵞溪絹或濃或淡煙雲氣遠看淡淡近看濃暮  
山紫兮曉山紅一灣楊柳依稀外無數人家杏  
靄中平橋過去波濤惡何處舟來無住著空青  
萬里炯雙瞳汀花岼草今猶昨林巒深處開茅  
堂四時佳景非尋常吾宗依此有新構左圖右  
史羅中央八窗四面皆真景歌罷滄浪動深省

門前車馬任紛華還我胸中常耿耿

山水秋景

銀河倒挂青山頂蒼虬偃卧芙蓉冷煙巒深處  
起樓臺雙雙人在蓬萊境我觀斯人非避秦韜  
輝伏耀全天真盍簪愛話無生事恐教名利縈  
茲身霜葉林邊秋色映桂花香裏行厨淨彈琴  
惟取古爲音漉酒還將清比聖逍遙此樂人間  
稀潔已由來世所譏只今四海皆樂土不羨羊  
裘釣石磔



王舜耕山水送任章南遊

世傳南畝丹青好筆底天機不草草疊嶂層巒  
點染間只尺芙蓉挿晴昊白雲漲雪落溪中溪  
流宛與仙源通波光水色互掩映漣霏霧靄紛  
濛濛雞不鳴兮犬不吠山人不識王侯貴茅簷  
旭日上三竿借問此時曾起未一聲啼鳥春晝  
長門前綠樹森成行竹籬苔徑輪蹄絕臨風坐  
落松花香蒲東任君有高致此景分明在胸次  
人間山水已熟看只今又欲浮淮泗淮南山水

天下奇我生時時夢見之少年失脚紅塵裏縱  
有高懷何所施幾時得共任君約西上崑崙東  
岱岳滄溟灑灑徧遨遊半世塵纓須淨濯

山水畫

江上好山開畫屏山上古木參空青飛流巖下  
幾千尺征鴻南去秋冥冥津口誰人遠呼渡桂  
楫搖搖那肯顧飄然謝却利名場海濶天高何  
所慕君不見輪蹄袞袞紅塵中五侯七貴徒其  
雄何如此客滄江上一曲高歌山水風

夏日卽事

紫禁沈沈清晝永天上蓬瀛隔塵境春風披拂  
萬年枝玉砌葵花傾日影九重勤政念羣臣親  
見恩波出內頻絲縷五文頒煥爛朱櫻萬顆賜  
圓勻荷開太液香迎輅幾點閒鷗紆聖顧詞林  
擬獻清暑歌尚方又進金莖露小臣飽食荷恩  
光正憶鋤禾農父忙田間翹首望霖雨願借天  
瓢灑萬方

松亭避暑

燭龍南來正亭午赫赫炎威徧海宇洞門任是  
絺綌輕揮扇難勝汗如雨維時鳳輦出彤闈一  
亭暫憩光霏微陰森五鬣搖朱戶滿前忽訝蒼  
龍飛清風時從天外起清氣重添綠陰裏憑軒  
頓覺炎焰消襟抱倏然涼似水玉壺澄澈瀉冰  
漿沈李浮瓜興味長願裁巨榦成大厦盡庇四  
海俱清涼

海子觀魚

太液春回水欲泮東風暗卷流漸散赤欄橋外

新雨過巨浸微茫接銀漢曉日晴分蘋藻煙落  
紅蕩漾隨清漣遊魚作隊不可數與波上下情  
悠然波間潏潏鱸與鮪亦有鱖鱔兼鰕鯉 皇  
心見之良獨怡更命瑤牀近寒泚太平時節生  
意多物情應與人心和周文沼上樂於物千載  
靈臺同此歌

御堤煙柳

東風二月午門曉紫禁暄妍暖雲繞玉河堤畔  
赤欄橋高柳依依得春早柔條裊娜百尺垂蘸

水點破青玻璃晴煙一抹鎖深碧曉色正與春  
相宜臨風忽報黃鸝轉入望濛濛無近遠鮫綃  
帳薄疑未收翡翠簾輕不堪捲日高頓覺散清  
陰無限韶華連上林紛紛萬卉足生意自是  
皇家雨露深

夜月聞砧

八月九月秋氣高長林落木風蕭蕭白苧秋深  
不堪著輕寒欲試新剪刀城頭霜飛露華濕城  
下寒蛩啼更急當戶誰家搗練聲風高不礙重

城入千杵萬杵聲未停已知力倦心怦怦天清  
月冷幾人語塞北江南今夜情不怨搗衣寒苦  
早惟願著衣人不老萬里歸來未有期昨日官  
家頒絮襖

中秋賞桂

秋風瑟瑟天宇清三五良宵秋氣平嫦娥捧出  
玉臺鏡山河大地增光明廣寒彷彿開宮殿桂  
影團團月中見霓裳一曲聲珊珊疑是瑤池啓  
華宴銀蟾散彩流霞觴金粟萬斛來天香清景  
邀人不成寐詩成月落參低昂吁嗟仙種自開  
闢分付嫦娥好培植莫遣吳剛得浪侵畱取清  
芬播無極

松逕秋聲

紫苔繞徑塵無迹鬱鬱高松挺秋碧金氣正驕  
風滿林渾如萬壑波濤激又如曉日蛟龍吟翠  
雲蕩漾江中心倏忽風微更堪聽冰絃操出重  
華音蓬萊宮闕五雲渺鳴鶴寥寥動瓊鳥鸞輿  
時作靈臺遊應喜秋光在林杪風停聲歇天宇

清政成刑措當昇平玉署小臣拜恩詔作詩媿  
比歐陽生

元夕觀燈

禁城午夜春濛濛火樹照人如鏡中六鼇移山  
向瑤島紅鸞下繞明光宮條風東來送新暖低  
颺香毬動黃繖九重金闕倚岧嶢四面紅雲簇  
簫管宮闈更欲親承歡綵棚十丈空中攢隨山  
移仗不知曉應制還催供奉官五朝故事傳來  
久樂與民同上元酒想像先皇得衆心尚有燈  
詞播人口太平喜是百載過邊燧不驚天氣和  
古來張弛皆有道賞心一日非爲多

東風解凍

去歲都城三尺雪御水潺潺凍全結半夜春從  
地底回一片菱花暖初裂東風著水水不知穀  
紋細細搖清漪退朝閒步石橋上流澌半入昆  
明池柳眼初青照堤岫蕩瀟波心影凌亂青陽  
杲杲射員沙幾簇魚苗聚還散太乙東皇隨斗  
行韶華拍塞皆春聲臨流攬勝心獨喜物色變

態如有情天潢自是得春早坐想八方春更好  
航海番人入貢來萬里川光淨於掃

芝嶺春雲爲楊維新賦

醉把仙芝看商岩采處頻翠莖猶帶露紫蓋不  
霑塵豈是充飢物端爲上壽珍玳筵雲不散共  
祝百年人

輓國子丞侯丕先生父

見說遺菴老常年卧白雲詩吟長短句書閱古  
今文遺行人間重褒章隴上焚橋門有賢嗣師

道續河汾

柯谷耕雲

買得柯山百畝雲春風谷口樂耕耘牽牛人向  
村前去扣角聲從隴上聞野鳥祇知催布穀隣  
翁不解誦移文向來方寸多餘地畱與兒孫次  
第分

王維瞻塔山歸隱圖

白髮催人不肯饒辭官歸去伴漁樵青山如畫  
曾相識黃鵠高飛未可招束我舊書還舊隱看

他塵世競塵囂池頭有子當年少染翰時時獻  
帝堯

輓成國公

四十餘年列上公春風細柳見英雄曾將劔戟  
扶明主慣擁貔貅任總戎名播斗南層漢上魂  
歸塞北遠山中只今史館多才俊解寫凌煙第  
一功

送戶曹正郎馬兄德源之宣府管理軍儲  
兼柬殷都憲

堪嗟一別隔三春王事驅馳不顧身休訝胡塵  
飛漠漠只教邊廩積陳陳皇華北首憐君苦白  
雁南來慰我頻煩語故人殷總制屋梁斜月數  
傷神

送劉世英南京太僕

鴻臚傳罷第三聲從此朝臣識俊英東觀紬書  
前太史南雍造士少司成已聞舊學名方著正  
愛環滁景最清當宁賜麻應不久暫將罔命命  
先生

送浙江僉事劉餘慶

黑首承恩白玉階外臺元自內臺來都人尚識  
風霜面朝士同推梁棟才獨鶚飛時秋氣肅雙  
旌行處瘴煙開豸衣猶是朝中賜不着東南半  
點埃

贈景昭叅政江西

朝回共我數飛觥最喜黃門有盛名草到奇時  
鸞鳳舞吟于苦處鬼神驚近來猶誦庄時疏遠  
別難爲倚玉情後夜相思凝望處文星高照豫

章城

送岳方之興化

翰苑同年少一人城東出祖倍傷神高才雖不  
登樞要清望端能動縉紳西徼歸來緣有命南  
州謫去果何因嗟余久負容臺祿擬向林泉老  
此身

送徐仕亨復任荊門

二十年前已識荆荊州今復去專城柳條解縮  
離人恨河水長流故舊情闕下有人推孺子江



南到處說徐卿也知騏驥終騰踏高駕雲車天上行

慶致仕閣老商先生壽七十

當代明經第一人強年高步上星辰錦袍玉帶兼三秩白石清泉度七旬謝却鈞衡娛暮景歸來桑梓樂長春茲辰茲會遙相憶南望南天祝頌頌

送光祿寺卿李君之南京兼柬王宗貫

而我相交三十霜長年聯珮筵駕行芳隣舊接

金門右尚寶常擎御座傍最喜遷官符衆望更憐將母過仙鄉南都想會王司馬雲樹相思不暫忘

題扇

班姬新製剡溪藤似玉無瑕雪有稜五夜蟾宮開半壁三冬鮫室剪輕冰我于用舍諳時態人向炎涼有愛憎爲喜清風故人意幾回題贈愧無能

贈授業劉先生致仕還吉水

秋到梧桐暑氣清  
樞衣隨步出都城  
五千里外思鄉夢  
二十年前立雪情  
粟里有人邀社飲  
海鷗何事傍舟行  
從今不上紅塵路  
坐看諸郎學鳳鳴

安溪僑叟爲張簡討賦

溪上茅茨屋數椽  
春雩秋社自年年  
窗含鼇背千峰雨  
簾捲波心萬頃煙  
柳逕有時緣客掃  
竹牀長日抱雲眠  
白頭自分無人識  
不解詩名到日邊

送秦觀郎中叅政雲南

眼底羣僚獨數公  
除書又出大明宮  
人辭薊北層霄近  
路入滇南萬里通  
荷葉擁舷秋滴露  
桂花明旆晚生風  
逢時已自叅藩省  
好竭丹心答聖衷

題王宗貫西園清隱

出郭西行二三里  
園林佳處足投閒  
軒開紫陌紅塵外  
人在清風明月間  
當面好花開簇簇  
繞牆流水響潺潺  
笑他名利場中客  
到此能無一

愧顏

一鷺圖

芳草垂楊蔭碧流  
雪衣公子立芳洲  
一生清意無人識  
獨向斜陽歎白頭

劉時用枯木竹石

蒼龍夕挂千尋影  
彩鳳朝聞十里音  
月夜風朝我曾見  
太湖石畔薜痕深

小景

羅浮夢斷夜窗虛  
一曲焦桐樂有餘  
從此南枝

消息到梅花如雪徧庭除

山禽

滄洲深處獨依依  
覓食秋原飽卽歸  
塵世小兒偏害物  
等閒休向五陵飛

魏時敏

莆田人有竹溪集

塞上曲

笳鼓起城頭  
烽燧上戍樓  
風旗翻朔霧  
霜劒帶邊秋  
瀚海兵聲合  
陰山殺氣浮  
不因橫絕漠  
何事更封侯

塞外秋塵起關中夜柝聞連營通漢水擁騎入  
胡雲月照瑯弓影霜埋古劔文軍中振奇策滅  
虜報 明君

秋來霜滿塞天迴雁臨關白骨沙場裏黃雲隴  
水間草荒鷗影疾烽靜戍煙閒日落邊城暮將  
軍獵未還

萬里烽烟淨三邊雨雪晴暮笳清有韻寒鼓濕  
無聲鐵甲埋霜重金戈映月明旄頭看漸暗四  
海樂昇平

除夜有感

迢遞離鄉國蕭條感歲華宵聲悲鼓吹月色浸  
梅花殘曆愁中盡流年夢裏加親闈千里隔回  
首重咨嗟

南溪爲許上舍廼弟題

高人真雅淡卜築傍幽溪碧草侵階長青山入  
戶低華源應只尺流水自東西讀罷無餘事春  
風聽鳥啼

山水圖爲錢塘周士廉作

佳氣接蓬萊衡門掩綠苔山深雲自合江漲浪  
初回帆影歸漁浦灘聲落釣臺畫圖殊有興千  
里共徘徊

秋夜有懷寄楊大使

孤館涼風發長天白雁過旅魂秋易斷鄉思夜  
偏多野曠雲連樹江寒月浸波不知揚子宅秋  
興近如何

皇都別意送張主事外父還蜀

送客出長安離懷不可攀纔傾燕市酒又向蜀

江還鳥道寒雲裏猿聲積雨間家林應有待松  
菊繞南山

寄徐齊統

旅館秋風早官城樹色微長天南雁盡尊酒故  
人稀落葉鳴幽戶寒蟬噪夕暉相思何處是惆  
悵暮潮歸

送泉上人歸眼明寺

遙入圭峰寺長吟送遠公經翻蕉葉古雲散竺  
門空飛錫臨天外看山想洛中不知禪寂地松

偃幾枝東

樵樂

礪斧臨溪石尋山度嶺雲林深芳樹合澗轉野  
泉分細語聽猿嘯狂歌散鹿羣不知城市裏何  
事日紛紛

貧交歎

閒居無客到寂莫掩衡茅官懶終成癖家貧易  
絕交桺殘鶯不語松老鶴還巢世事皆如此何  
須賦解嘲

題寶珠菴

不到魯遊地如今又幾春雲歸雙樹老門掩一  
僧貧潮水寒侵岼沙村夜見人清樽誰是伴喜  
有霍家親

送朱琴友之戍海南

携書兼帶劍未必事班超暫向天涯去休辭故  
國遙蛇珠生暗隴蜃氣積寒潮別後知相憶琴  
窗謾寂寥

題湧泉岩

歷代詩選

月鬼竹溪

次集卷七十七

十二

心